

山西通志

册六十六

山西通志卷第一百五十五

山西巡撫都察院右副都御史

覺羅石麟奉

旨修輯

列女七

澤州府

陽城縣

明

段居仁妻宋氏年二十七夫亡姑吳年六十子會甫週氏紡績爲業養姑教子洪武間旌表

栗氏雙節栗文輝之二女長適宋貞次適王愈俱年二十而守節成化間旌表

李紹妻張氏年二十夫亡矢守淡泊自甘紡績爲業弘治間

旌表

原湖妻王氏湖家貧爲傭一日夫出氏守二歲兒居窰賊乘隙犯之以刃脇不從縛其手足緣地滾磕罵不絕遂遇害賊亦旋獲知縣李立碑道旁曰王烈婦執義抗賊處

李守然妻張氏夫亡年二十子方八月家貧姑曹欲奪其節張斷髮誓不改適正德間旌表

栗實豆妻楊氏年十九夫亡無子一女在抱矢志不二家貧落魄依母氏爲居備極艱辛屢經旌表

貢生郭九思妻楊氏名臣繼宗女九思亡二子吳昌幼氏撫之爲慈母爲嚴師吳昌俱登賢書督訓如童時雖女子而卓有父風云

生員原一揆妻謝氏早寡子泉博尚幼紡績訓讀泉博娶王氏未幾亦夭遺孤其秉甫三歲王氏孝養孀姑撫嬰成立當事表其閭曰姑婦雙節

舉人白所樂繼妻延氏所樂艱於嗣氏生子邛爽甫五齡所樂亡氏年二十九遭家多難茹荼鞠子未幾萌天孫方旭生甫十月子婦王年十九氏復勉尉少婦撫育遺孤凜然著冰栢聲壽躋九十王亦七十方旭官壽州丞

生員田墾妻原氏早寡二子實堅實栗俱幼嚴督之實堅娶王氏又早歿遺腹生子士珍王氏與姑誓同守節巡按旌之孫曾多達者

李天育妻王氏義士王海女夫病革誓以身殉比卒哀毀出血水漿不入口殮畢遍拜舅姑娣姒所有服飾各以輕重贈遺自縊柩旁家人覺而救之稍甦曰我亡人也拚一死

耳若奚救焉防稍踈竟縊死年二十四萬曆間建坊曰捐生從一

生員喬鳳鳴妻田氏年二十八夫亡遺孤彬樸俱幼爲婚娶成立無何二孤相次夭慰勉兩婦陳氏陳氏各以節著歷五十餘年孤孫映伍遂成名州守徐芳傳其事

孝子王冲妻劉氏冲十九從父淑陵官京邸病亡劉年十七聞訃哀號更衣自縊家人救甦姑慰曰汝有遺腹獨不爲王氏一縊念耶劉意動撫子元貞成立天啟間旌表

成朝寶妻吉氏夫亡年二十二兩孤幼姑趙亦孀室貧如洗吉孝養終其身撫二子成立次子先歿長子年七十一亦謝世吉復茹苦訓孫有聲崇禎間奉勅建坊卒年九十三畢婦白氏白鶴之女適畢方入門夫以祖軍清勾當起解懼

而自縊白卽與同縊二柩竝列人共哀之

史鐵妻崔氏夫婦孤寒傭工度日夫亡氏有姿鄉人爭欲娶之卽詣夫墓側自縊

燕國洽妻王氏年十六夫亡子方彌月茹藥撫之二十載流賊突至被執焚掠一空百計欲污不從賊怒殺之白尚書所知碑墓

廩生李際時妻馬氏與夫攜二女避賊至沁濱夫尋相失賊至逼之同二女投河死

王增保妻畢氏爲賊所執欲污之拒之甚厲刃加於頸終不從賊恚甚剗其腹罵不絕口而死

王桂妻李氏白巷民養賢女爲賊得牽至上佛寨前呼曰與我若干金當釋此婦無應者賊與李曰無人贖汝當從我

氏曰寧死不從殺之賊退視其屍血染地作白色

生員馬一乘妻李氏爲賊獲鞭之不從乃投廁中復爲賊獲計不能脫給賊曰體污矣須浣河中賊尾其後乘間入井賊恨甚下石而死

王烈女生員如秋女及笄與嫂某氏私約曰賊來安往有死耳比賊至家人競走二人闔戶同雉經

銀匠孔量妻李氏爲賊獲賊曰從我勝於銀匠李罵曰寧從銀匠冑從賊乎賊強挽之上馬渡河罵不絕口至中流奮身投淵死

栗某妻劉氏寡人也有女年十四美而艷賊至懼污令女先投井身從之俱死

燕國問妻李氏賊獲欲污之堅不從奮罵不輟立斃刃下剖

腹析骸最爲慘酷知縣李扁旌之

孝子李博妻延氏賊至博守父柩不去延聞變先自縊死督學袁扁之曰三綱不墜

石廷章妻李氏弟庠生含章妻盧氏廷章亡李年十九無子以含章子作鼎爲嗣甫彌月鞠育成立及賊至李被執不從割舌而死盧委身救護斷指遇害

楊棟妻張氏夫亡氏年十九子垂芳未週奉孀姑李氏溫清備禮者三十載值寇亂婦姑同日雉經死人兩義之

王質妻吳氏王實德妻徐氏舉人侯一律妻謝氏楊堯瑞妻李氏楊堯年妻原氏崔繼文妻栗氏崔繼夔妻原氏生員郭光大妻原氏張克家妻凌氏張問明妻田氏生員原一陽妻成氏衛天寵妻郎氏白儒妻王氏知縣宋之范繼妻王

山西通志 卷一百五十五 四
氏成家妻吉氏生員李紹芳妻白氏李養正妻張氏原江
妻王氏陳瀚妻王氏郭塙妻孫氏路天寶妻齊氏李敦化
妻田氏田應雲妻潘氏生員陳炯妻賈氏張國泰妻王氏
生員朱大化妻王氏田志節妻賈氏田應選妻呂氏以上
俱守志節

國朝

生員張任妻王氏明難臣叅政徵俊曾孫女年十六歸任結
褊甫九月任感疾卒氏絕粒慟哭忍死俟含殮將自決姻
黨勸進飲食命婢媪環守之氏伴盥漱櫛縱起居如常時
私檢遺奩以小物遺諸女奴密陳襚衣手紉之餘悉緘封
置給婢媪往造食以夫故組自經後任死僅一日事聞建
坊旌表士大夫詠詩成集時復有石范二烈婦大學士陳

廷敬爲三烈婦傳

衛宗聖妻白氏嫻女訓婉執婦道孝事嚴姑甚謹貧不聊生
攜子就養母家得甘旨輒遺姑宗聖歿忍死百日號泣請
父母資棺衾葬具粗備中夜投繯死

郭進臣妻許氏年二十三夫亡撫孤天霽娶呂氏未幾天霽
亦逝呂氏年二十一子永寬甫五歲姑婦孀守一節不移
儒士石基永妻李氏年二十餘基永以勤學賈志歿遺孤甫
二歲基永死之明日孤亦死李因盡納基永詩文於棺中
給姑寢自經以殉令都甫旌之諸生韓蘓爲文記其事

儒士衛琦妻賈氏夫亡氏年二十三遺孤貞方四歲舅姑春
秋高夫弟妹九人皆孱弱婚嫁喪葬胥氏身理盡瘁四十
載課子成進士受貤封及子卒撫雛孫又二十年俱獲成

立壽九十有六

田世達妻栗氏年十七夫亡子女俱無誓從地下家人謹持之乃髡髮毀容之死靡他八十卒

石可用妻白氏石可成妻張氏兄弟析居久張氏年二十可成亡遺孤方在抱孀嫠弱息相依爲命無何可用亦亡嗣未立白氏矢志守節乃迎張氏同處風雨晨昏更撫孤雛子成二氏俱享永年

趙嗣敏妻崔氏年二十喪夫無子時夫弟嗣昌婦有娠氏默祝曰幸生男吾當育之後果舉子因以爲嗣累歷大變貞擦不渝

生員甯大良妻田氏大良遊學卒於京氏年二十五無子依母家四十餘年冬夏一室鄰媪罕識其面歿之日歸無族

葬無兆內姪宅中耐於祖塋爲苦節吟十章哀之

李承培妻田氏年二十夫亡有遺孕誓無二志廬墓側三月生子攀龍孀居四十餘年撫孤成立邑令旌之曰守墓生子

生員田生福妻王氏年二十八夫亡遺孤尚幼家窮甚與夫孀節女弟寒宵共績雖大故不出閨闈荼苦七十年近百歲焉子宅中有文

張象璧妻蔡氏崇禎壬申兩姑及夫並爲賊傷年二十三抱兩歲孤求三屍藁葬之賊平典衣飾并前亡舅合窆焉晝夜紡績供子讀書卒致失明後子登甲午貢元

張琦妻裴氏琦賈河南客死禹州裴聞號泣絕食數日不死其兄具物祭琦氏曰姑待我家人防益嚴強之食乃稍稍

山西通志 卷一百五十五 六
食以安之越日黎明自經死

馬艾志妻栗氏艾志爲土崩壓斃氏年甫十七無子女聞夫死悲號踰日別父母遂從容雉經

譚佳章繼妻王氏河南息縣人歸譚甫三載佳章病歿氏墜樓幾殞姑多方勸救曰俟夫葬後送還家氏亦恐以身死累姑給兄至與訣哭拜夫靈窺家人防稍疎闔戶自經庠生許思睿妻楊氏妾王氏思睿歿於江南之金山楊氏立意殉夫絕食十數日而死王氏矢節撫孤終身如一邑人田六善有詩輓之

曹怡如妻王氏歸二載怡如客死江西氏年十九懷孕三月誓死殉幸舉子貧困寄食兄嫂計反夫櫬仗十指撫孤鄉里稱之

儒士楊澂妻張氏夫亡無子年二十四絕粒誓死其母以立後勸始進食嗣子殤復嗣一子冰蘖自持孀居十載母病侍湯藥稱純孝母卒竟不食死

生員白印恒妻衛氏田見祿妻陳氏恩生白文黼妻郭氏生員白光昭繼妻范氏劉淳繼妻楊氏生員李和妻田氏生員段上鳳妻吳氏田養仕妻王氏王道行妻田氏畢倫妻吳氏生員王業鴻妻郭氏張元功妻石氏生員王立心妻趙夢豸妻陳氏監生張致中妻栗氏衛遵志妻上官氏田志鯤妻閻氏原泉瀾妻楊氏吳思孔妻白氏生員衛晉璧妻延氏成大祿妻劉氏原遵妻潘氏生員張俊望妻王氏張啟芳妻賈氏生員衛瑄妻延氏生員楊斗維妻喬氏恩

山西通志 卷一百五十五
生白方厚妻王氏增生白象彝妻衛氏崔巒宗妻田氏劉
庚妻裴氏生員張瑤妻陳氏生員趙之錕妻暢氏楊大叅
妻延氏馬國柱妻原氏王立旺妻朱氏李應科妻郭氏喬
起鳳妻張氏衛登科妻畢氏劉昌達妻呂氏衛泰妻王氏
生員趙亨妻衛氏生員衛賚妻田氏田成妻李氏舉人劉
植妻趙氏生員石瑄妻張氏妾涂氏鳴贊郭璋妻王氏以
上俱守志節

陵川縣

明

韓時妻牛氏夫亡無子年二十三誓守一紡績養姑洪武七
年旌表

武繼姑父母早亡依兄簡議贅里人張旺爲婿未婚會簡有

五臺役以旺代旺病歿役所同行函骨歸繼姑哭之慟叔
母李曰何慟爲再擇所從爾繼姑云婦人守一安得此語
是夕投繯死正統間旌表

和憲妻蘓氏生子甫週憲歿氏年二十二甘貧守節終始不
渝成化間旌表

趙源妻王氏張真妻李氏舉人王潔妻和氏俱守志節成化
間旌表

進士武思明妻姬氏思明早卒氏年二十五清閨自閼誓不
易心正德間旌表叅政王尚綱以雪竹命題咏其事

生員武來遠妻韓氏遠死遺腹生子世喜氏年二十翁姑在
堂家貧食力生事死葬動合儀禮州守馬泗驥上其事
生員張智妻杜氏夫亡無子嘗云婦人一醮不移安忍以人

山西通志 卷一百五十五
倫爲狗彘行年八十二卒婿徐模以禮合葬

李喈妻王氏夫亡遺腹生子躬勤紡績以育孤兒年八十卒
生員都一龍妻婁氏少許配龍龍病篤迎歸甫一月龍卒氏
年十六念舅姑失所忍死孝養冰貞不斃年踰八十萬曆
間旌表

郎娥兒貧女也議配侯存兒少養其家會有惡少窺之乘翁
姑偶出遂逼娥娥峻拒之不逾刻報纒死惡少旋論如法
萬曆間旌表

生員王克耕妻甯氏夫卒撫孤學禮爲邑庠名士復天死孤
孀年八十而歿

生員婁子遇妻郎氏年二十喪夫遺孤繼世方七月艱苦育
之成立甫授室而亡遺媳徐氏孝姑守節院道有雙節之

獎

生員徐炯妻趙氏年十六炯卒無子貧苦不能舉葬資力母
家年逾六十茹荼自甘傭針指過悴遂傷一日事聞旌表
生員婁子進妻徐氏年二十二孀居無子六十餘年人無閒
言院道扁獎

舉人韓國賓妻李氏夫亡年二十四矢志撫孤垂四十年崇
禎間旌表

宋希堯妻徐氏夫亡年十八遺腹生子廷彥督教食餼得貢
巡按郭題旌

宋希文妻李氏年二十而寡投纒數四救甦清操無斃教子
廷瓚爲諸生崇禎間旌表

省祭王學孟妻段氏事姑孝嘗以舌舐姑瘡流賊猝至姑病

山西通志 卷一百五十五 九
臥與兒媳牛氏侍姑不捨罵賊被害

通判張信妻馬氏生員馬思騮妻郭氏馬一鳴妻武氏武松清妻王氏郎應堂妻蘓氏趙守庫妻馬氏韓朝士妻李氏徐党妻賈氏王餘慶妻和氏徐必昌妻趙氏武鎮宇妻都氏武新民妻馮氏某妻都氏甯承法妻張氏以上俱守志節

國朝

生員都養德妻李氏年二十孀居撫子迄於成立順治間旌表

臨川令李向禹妻王氏姜瓌亂猝逼城下氏曰君往矣守土無以家爲向禹率內騎出捍氏以白練縊於中堂有二婢從之

關中順妻王氏年十六夫亡翁姑念其少欲嫁之抵死不從守節畢世

焦崇保妻郭氏鬻飯爲生崇保歿守節不渝

武存智妻郭氏無子女守節不二人無閒言

生員王亮采妻婁氏亮采出繼叔嗣姜瓌變所生父母失養行志則屈抑於勢隱忍則負疚於心賴氏委曲調停隱行其孝邑令給扁旌獎

靳天挺妻牛氏年十八而寡子在襁褓有諷別嫁者氏剪髮髻面明其不二曰兄爲孝子吾不能爲節婦乎終不奪孝子者甲子舉人牛照牛魁斗也

貢生王四門妻都氏家貧女紅佐養有孝名比姑歿舅耄孝謹愈摯謂四門曰汝婦賢能爲我撫少子無何四門亦歿

山西通志 卷一百五十五
氏當室四十年舉遺命哀切督課幼叔四岳遊庠邑令扁旌

姚之銛妻郭氏幼孩許字後之銛貧且病父母有悔意氏決計求死恐滋他議遂歸姚之銛尋歿氏年二十六苦志撫孤至死不怨督學汪灝表其閭

生員張起鵬妻李氏武程鵬妻楊氏宋景星妻李氏趙時通妻王氏都如典妻武氏太學徐之琦妻馬氏太學馮學謙妻高氏王文隧妻曹氏貢生婁銘妻秦氏生員婁繼爵妻牛氏牛自通妻秦氏都基泰妻李氏生員曹亮妻王氏生員和暢妻徐氏王文炳繼妻朱氏千總武柱國妻王氏生員武立幼妻王氏生員王者儉妻蘓氏生員王牧民妻趙氏盧騰雨妻陳氏以上俱守志節

沁水縣

明

楊文慎妻車氏文直妻侯氏文慎兄弟相繼死車與侯俱年二十餘車無出侯有一子世隆僅週歲二人誓不他適撫養幼孤世隆成立咸以母事之非親串不知爲誰子洪武間旌曰雙節

原大倣妻郭氏大倣早卒氏年二十二無子守節後大倣弟大經夫婦俱亡遺一子一女俱幼郭撫如已出卒皆成立庠生張謙光妻竇氏光卒氏年二十四子宮在襁褓守節撫之備極艱苦卒能有成孫五典登第氏猶及見焉

庠生李新香妻竇氏新香病篤氏籲夫以身代卒不起氏慟幾絕撫一子二女事孀姑及翁所遺二妾俱盡禮父玳賈

山西通志 卷一百五十五
於梁不返氏養其母終身奉詔旌表外孫張忠烈銓立傳
張安祝妻焦氏甫于歸安祝以貧故往來梁宋間鬻鹽三年
始歸月餘復出及氏生子而安祝已死有議改醮者氏輒
引刀自刎備作餬口艱苦備嘗卒能養姑代終撫子成立
廩生王體乾妻張氏夫亡子維城九歲氏歷艱禦侮謹護育
之朝夕勉以詩書嘗爲之火荆照讀城列明經孫曾相繼
成名

廩生劉用章繼妻張氏用章前娶李卒遺孤韓僅三月張年
十六奉堂上以孝聞越二年夫亡守節誓死及殯臨穴見
止容二柩隨觸首墓中救之甦曰是欲我代夫事親守孤
存劉耳自是孝敬益至撫韓如已出韓乙榜恩貢兩孫入
泮皆親見成立焉

庠生韓可式妻張氏夫卒子瞻甫八月氏矢栢舟歷艱辛四
十年奉姑以大耄終撫子成立及見其孫縣令旌之

韓可仕妻王氏結褵僅七月仕適湖廣不返氏艱苦無依日
佐人針指以養姑竇氏曲盡婦道終身無怨

省祭趙光輝妻竇氏夫卒氏志守節孝事二親嚴率兩子家
珍家璉天啟間旌表

廩生趙家珍妻白氏珍早死氏守節撫遺孤永寧爲諸生

趙家璉繼妻商氏璉早死前妻生子永健氏撫健不啻已出
健長食餼亦稱克孝

趙永寧妻霍氏永寧死誓守與祖姑竇氏等稱一門五節

廩生趙永健妻呂氏永健早死氏產遺腹子品與姑商氏相
依爲命機聲扎扎備歷酸苦後品成立於商稱孝孫於氏

山西通志 卷一百五十五
稱孝子商壽八十二氏壽八十九蓋賢慈節孝萃一門云
儒士韓施仁妻劉氏夫亡氏欲從死姑勸之撫孤孤復亡氏
三就縊家人覺而救之嗣姪瑄爲子事姑孝撫嗣慈學使
旌其閭

席日正妻王氏年十八正亡祖姑九十二翁姑七十餘氏生
事葬祭俱盡禮家鮮親丁止有十齡從姪崇敬撫爲已子
後敬娶妻生子珍夫婦以貧轉溝壑死氏含辛撫珍卒至
成立

竇顯福妻韓氏年十九夫故遺腹生子韓初奉姑育子閱四
十年姑卒又四年韓初亦卒孤苦異常節孝兼盡當道表
之

舉人張鈴妻劉氏莊靖公東星女孫鈴早卒劉矢節撫孤道

溥未幾溥殤劉絕飲食誓必死舅姑令嗣猶子道濟數年
道濟亦亡凶慘疊罹四十年貞操無斁得旨建坊旌表

季子實妻竇氏事姑盡婦道正德初流寇犯端氏居人逃避
子實偶外出氏負姑涉沁水匿南山岩穴間賊至大索氏
被執賊首見其艷欲犯之大罵不從賊刺之暴屍市上已
而甦顧其姑不知所在見賊復罵不絕口賊投大石碎其
首見者無不哀悼焉

李沾妻劉氏沾卒劉自縊家人救之時方娠其姑以存後爲
勸及生三日天劉遂不食死時年二十餘事聞旌表

郭志妻劉氏志溺水死求屍不得朝夕不食比得屍遂投繯
畢命

劉時動妻李氏陽城李榮先女幼字時動後時動父歿家索

山西通志 卷二百五十五
榮先意中變氏知之甫十歲卽誓死嚙臂投崖賴草藉得
不死及笄歸時動未幾時動病卒氏自縊以殉時年十九
李鴻桂妻崔氏夫死三日禮殮畢卽自縊死年二十歲
王赴瀛妻陳氏夫故氏年十八卽日自縊崇禎二年奉詔建
坊旌表徐令爲作贊

趙完璧妻李氏遭賊亂自縊夫前免辱

吉尚本妻王氏尚本死晝夜號泣不絕七日不食死

郝時雍妻李氏雍旅病故氏聞訃卽自縊建坊旌表

徐承祖妻李氏承祖故氏年未二十號泣不食三晝夜卽縊
以殉

庠生霍欽翼妻常氏遇寇驅脅罵賊不辱投井死

王壯祚妻霍氏寇至逼凌抱子投河死督學張扁旌曰抱嬰

伸義

席崇儉妻張氏儉病侍湯藥浹旬不寐儉卒氏自縊與夫並

樞奉詔旌表

貢生李日芳妻張氏性端嚴事姑孝崇禎六年八月流寇陷
沁城氏攜幼子姚登樓避難賊舉火焚樓衆啟門出氏跪
祝曰李氏止一子賴天庇佑不罹寇慘氏縱死何憾將幼
子先擲去自墜樓死

庠生衛思洛妻尚氏流寇陷城思洛遇害氏與兒婦李氏絜
子女投火死

庠生李珮妻陳氏崇禎八年被賊脇不從偕幼子文龍俱遇
害

張道濛妻馬氏于歸時濛已抱病越數月而歿氏誓以身殉

山西通志 卷二百五十五
悲憤成疾卒年十六給諫楊時化稱曰貞孝女爲文表墓
張效濂妻衛氏流寇至濂被害氏跳城死

常烈女常治躬女王加印作亂逃避山谷賊見逼誓不受辱
自縊督學張扁旌

霍夫人張忠烈公銓妻也銓家寶莊爲沁水巨鎮先是銓父
兵部尚書五典以流寇縱橫築牆爲堡甚堅後賊犯寶莊
時五典業前歿銓子道濬道澤又官京師寇將至衆議棄
堡以去夫人曰避賊而出家將不保出而遇賊身將不保
等死耳死於野無寧死於家且我據堡以逸待勞誠守禦
有方賊雖衆其如我何乃躬率僮僕誓堅守寇至環攻勢
甚急而堡中守禦具胥備矢石並發寇負傷滋衆越四日
訖不克逞而退其違夫人言出避山谷間者率遇寇淫殺

尤慘惟張氏宗族得全冀南兵備道王肇生表其堡曰夫
人城

韓秉仁妻郭氏家貧仰食女工奉孀姑竟成廢疾不能仰視
姑與母一時同病氏更迭省侍不以貧疾憚煩旣而姑病
篤氏專奉姑跪伏頻更牀褥不令穢溺及體未幾母卒氏
奔哭盡哀卽返以姑病易衣而入姑竟不知其失母越旬
日姑亦卒殮殯合禮邑人皆稱其孝

譚福妻李氏韓永實妻李氏楊世錦妻張氏張鑑妻王氏官
生李希夔妻張氏庠生劉喬蘭妻柳氏庠生丁世珍妻王
氏霍鍾妻張氏劉用力妻常氏王九棘妻劉氏竇加猶妻
霍氏庠生衛思濟妻張氏霍汝廉妻田氏王誥妻竇氏王
卿妻張氏劉東吳妻常氏衛宇樸妻李氏庠生何通海妻

李氏韓任仁妻劉氏王蘊古妻郭氏王體民妻黃氏張綸妻尚氏李春盛妻張氏鄭紹周妻楊氏李本培妻張氏秦增榮妻趙氏以上俱守志節

國朝

趙光重妻張氏光重早失怙恃與兄光燦素敦友愛氏與光燦妻李氏妯娌同居和好無間縣令旌曰敦和起化姜寇破寨投井死

趙福溥妻牛氏姜寇陷邑砦氏被執不屈投井死

庠生孫之振妻楊氏陽城人會稽令楊鵬翼女之振歿氏年二十矢節不二撫孤讀書入泮艱苦歷四十年

竇仲方妻劉氏年十八仲方歿氏卽絕食五日扃戶紉衣縊死其先祖姑韓氏年二十而寡撫子起光姑呂氏年十九

而寡撫子仲方蓋一門三節而氏尤烈當事屢旌之

竇瑄妻霍氏年十七夫亡無子事孀姑盡孝道守節三十一年先姑歿縣令旌其門

盧氏趙氏汾州府教授竇瑀副室也瑀卒俱年二十有奇盧一女趙一子二氏泣誓曰命之不淑蚤失所天如線之脉惟吾兩人是賴設有二心犬豕不食吾餘矣自是砥志保孤歷三十餘載趙五十有四盧六十有四卒大學士田從典爲作表太史韓覲祖爲立雙節傳

恩生張道濟妻李氏年二十二夫亡無子撫幼姪爲嗣保抱扶持卒底于成守節五十年卒

張體德妻趙氏年二十二夫亡守志撫子璵娶婦生子璵夫婦胥歿復撫孫二十餘年得見曾孫而歿

舉人趙鏊繼妻王氏年二十二夫卒嗣子育溥舉鄉科官常
熟令卒繼媳陳氏年二十八嗣子殤更嗣孫姑婦共矢冰
操王年七十有七陳年六十有六卒

趙喜妻李氏年二十一喜病氏誓從死及病革氏卽引繩自
經府縣咸旌其墓

李國維妻梁氏韓琬妻牛氏韓調妻侯氏韓珂妻王氏韓萬
應妻趙氏王命召妻康氏孫遐妻李氏通判王政新側室
藺氏楊鶴洲妻王氏貢生李日亨繼室翟氏劉用俊妻張
氏李如龍妻吳氏謝承璋妻竇氏郭挺基妻馬氏蘓眉妻
韓氏韓治本妻張氏韓寀妻王氏王世俊妻常氏馬文瑞
妻韓氏張瑜妻劉氏商文彥繼妻王氏商瑞雲側室王氏
竇佑妻霍氏劉元宗妻緱氏官生王誕妻馬氏子敬五妻

韓氏楊公美妻李氏王諒妻韓氏李維世妻竇氏生員季
慕嚴妻賈氏張道滄妻柳氏張德梁妻韓氏張志貞妻郭
氏王榼嵐妻楊氏王杲妻韓氏孫萬齡妻張氏商翠雲妻
劉氏譚廷擢妻馮氏生員張茂公妻張氏高靖妻趙氏以
上俱守志節

蒲州府

永濟縣

北魏

姚氏女字勝河東人少喪父無兄弟年六七歲卽有孝性言
其父者聞輒垂泣正光中母死勝年十五哭泣不絕聲水
漿不入口者數日不勝哀遂死太守崔遊申請爲營墓立
碑自爲制文表其門閭比之曹娥改其里曰上虞里

隋 裴倫妻柳氏河東人少有風訓大業末倫爲涇源令爲賊薛舉所陷倫遇害氏時年四十有二女及兒婦三人皆有美色柳氏謂曰我輩遭逢禍亂汝父已死我自念不能全汝義不受辱於羣賊將與汝等同死如何女等垂泣曰惟母所命柳氏遂自投於井其女及婦相繼而下皆死井中

唐

樊會仁母敬氏蒲州河東人字象子笄而生會仁夫死事舅姑祥順家以其少欲嫁之潛約婚於里人至期陽爲母病使歸視敬至知見給乃外爲不知者私謂會仁曰吾孀處不死者以母老兒幼今舅將奪吾志汝云何會仁泣敬曰兒母啼乃伺隙遁去家追及半道以死自守乃罷會仁未冠卒時敬母又終旣葬謂所親曰母死子亡何生爲不食數日死聞者憐之

張氏御史中丞張巡姊嫁陸氏從巡睢陽虢王巨自彭城走臨睢張氏遮王勸勿行不納賜百縑弗受爲巡補縫行間軍中號陸家姑睢陽破先巡遇害

宋

蒲芝河東張愈妻也賢而有文愈卒芝爲誄曰高視往古哲士寔殷施及秦漢餘烈氛氲挺生英傑卓爾逸羣孰謂今世亦有其人其人伊何白雲隱君嘗曰丈夫趨世不偶仕非其志祿不可苟營營末途非吾所守吾生有涯少寔多艱窮亦自固困亦不顛不貴人爵知命樂天脫簪散髮眠雲聽泉有峰千仞有溪數曲廣成遺趾吳興高躅疏石通

山西通志 卷一百五十五
逕依林架屋麋鹿同羣晝遊夜息嶺月破雲秋霖洒竹清
意何窮真心自得放言遺慮何榮何辱孟春感疾閉戶不
出豈期遂往英標永隔抒詞哽噎揮涕汎瀾人誰無死惜
乎材賢已矣吾人嗚呼哀哉

明

段小五妻李氏年二十夫亡母哀其無子諭改圖氏泣曰是
吾命也吾乃爲段氏婦知死段氏而已舍此何之母止不
復強氏晝耘夜績百折不變洪武間旌表

薛綱妻楊氏年十八歸綱越四載生子小來綱當遣戍臨行
顧氏曰吾親老子幼惟子是賴氏謹識之後綱死於軍未
幾小來補父役亦死於軍二親相繼歿氏易居營葬事貧
難自給或勸之更志氏峻拒之就食於弟絕葷垢面終始

不渝天順五年旌表

薛宣妻荆氏年十九歸宣生子小臺方六歲宣病篤囑氏曰
吾父以科臣使占城卒海外今吾病不起老母幼子爾善
視之言訖而終氏斷髮矢志奉姑撫幼盡其孝慈天順間
知州上其事建坊旌表

解輝妻董氏年二十二輝亡遺子福寧未晬父母以子幼家
貧諷之氏泣曰夫死易節貧富二心非人也况二老在堂
弱子在抱奚忍棄之終身蓬首垢面力績以奉舅姑舅姑
歿與子親負土穿壙以葬哭泣盡哀天順五年旌表

牛貞女牛仲明女劉愷未婚妻愷客外先娶衛衛卒遺一子
愷父母爲聘女預迎以歸無何愷死中途襯及遺孤抵里
女撫孤若已出事翁姑至孝服禫父母勸之嫁曰汝未配

非改節也女曰身旣歸劉卽劉婦矣親老子幼尚奚適耶
父兄陰納施氏聘女泣愷神主前五日不食死孤成立名
釗釗子名忠甫忠甫子名東旭三世皆廬墓時稱爲三烈
孝

陵川縣君輔國將軍朱聰琮女適裴禹卿嫁甫歲地震城崩
禹卿死焉縣君以首觸樁嘔血死年二十有一詔旌爲貞
節縣君按府志作越五日自縊死

韓玻妻薛氏玻商於淮病歿氏聞訃慟不欲生弟瓚妻王氏
慰曰嫂得無念後嗣乎我生男卽爲伯後氏泣謝早夜祝
生男已果舉子楫未彌月卽抱撫楫官通政贈氏太孺人
孫大學士燿貴累贈一品夫人

段輔妻王氏輔卒矢節事孀姑王氏以孝謹聞當事旌其門

曰姑婦貞潔楊襄毅表其墓曰節義成雙

楊鷓妻王氏年二十夫歿遺子甫三月事病姑撫幼子勞勩
備至子偶墮井中經日出之無恙人謂苦節所感楊襄毅
志其事

王進妻張氏年二十九夫亡甘貧撫孤孀居七十年壽九十
九卒奉詔旌表

張楨妻馮氏夫亡事孀姑盡孝撫子成立萬曆間詔旌

張寧妻雷氏少寡子誼幼苦節數十年壽七十有二卒誼繼
妻解氏賢淑有德解素饒奩具甚厚姑嫁仲女鮮裝送姑
慙且愴氏聞卽出已貲遣之後亦以節顯孫四維貴二氏
俱贈一品夫人建有雙節貽慶坊

孟端妻邵氏早寡姑母欲奪其志氏抱幼女亥隕於井八歲

女熙隆從之既出屍母猶抱亥熙抱母閭巷悲感後十年知州屈拱北始以事聞詔建祠樹坊遷墓罔卿王謙為之傳都御史曹于汴撰祠碑記

中書舍人楊元禧妻張氏性仁孝年十三適元禧及笄元禧歿孀姑裴氏難其少勸改適氏矢死不從姑愛敬彌至知州勇慎上聞詔旌表雙節

生員楊元祿妻王氏夫故誓不欲生滴水不入口繼以號泣七日而死

王三宅妻史氏年十九夫亡孀居六十五年子公弼成進士以母節聞建坊旌表

郭法妻馮氏聰慧賢雅年十四適法甫一載法卒氏臨牀哀慟觸地求死姑撫諭曰汝幸有娠得男以存祀猶愈於死

氏領之逮夫葬越八日生一女氏泣曰而今復何待耶即絕粒旬日死事聞詔旌

生員田民皞妻雷氏崇禎壬午冬悍將任國奇兵過蒲所至劫掠氏被擄投井死

舉人盧世臣妻田氏聞任兵過蒲知必不免與母雷氏結衣投井死

生員喬振翰妻楊氏喬及芳妻張氏聞賊陷城同赴井死義民王應寵妻楊氏妾薛氏闖賊至蒲寵設靈具自題其主

曰皇明小民王應寵之靈率妻妾痛飲共投縲死偽官義之親為殯殮

知府韓於宣妻薛氏闖逆陷城執仕宦索餉於宣自縊氏數日不食聞賊軍擊門亦自縊

山西通志 卷一百五十五 三
忠烈韓承宣妻王氏承宣死國氏卽欲死夫難時戎馬充斥
諸子散失念姑老無依忍死侍左右頻歷險阻卒保無虞
鄉黨咸稱節孝云

生員楊五禮妻孫氏夫亡事翁撫孤克盡其道甲申闖變翁
被害氏藏身厠中污體垢面賊怒揮刃破額而去氏負創
殞翁哀泣如禮後全節以壽終

薛永淳妻王氏少寡闖賊陷蒲被執不屈投井死

裴渤妻張氏夫亡遺一女矢志守養姑姑甚德之會母欲奪其
志氏抱姑暨女一慟而絕

叅將張夢鯉妻王氏癸未闖逼城夢鯉死難氏持刀自刎僕
婦力救免

國朝順治初復值虞寇亂入山逃避賊追及捐軀投山下賊
退昇至舍三日復甦後十年卒

副千戶韓印勲妻孟氏年二十印勲從征流寇卒苦節數十
載比歿風雨陡發有光燭體閃爍如電里人異之

守禦所應襲千戶史陞妻馮氏生員韓烜妻段氏杜文俊妻
羅氏並孀居守節奉詔旌表

史璘妻宋氏洪杲妻張氏嚴圭妻王氏杜昺妻史氏張璠妻
劉氏王寅妻嚴氏生員李應奎妻劉氏張文俊妻屠氏姬
懋妻楊氏孟子厚妻牛氏郭敦妻喬氏舉人王麟妻牛氏
生員史夢陽妻王氏蕭鎡妻張氏王彬妻馬氏楊霆妻屈
氏生員羅拱極妻賈氏舉人張永寧妻翟氏趙釗妻尹氏
舉人馮舜田妻翟氏甯師賢妻高氏武生韓塏妻張氏杜
惟修妻王氏郝璠妻衛氏趙棟妻陳氏苟儀妻王氏盧滋

山西通志 卷一百五十五
妻鄭氏進士馮舜漁妻李氏魏時盛妻韓氏葛之錦妻侯氏以上俱守志節

國朝

李永春妻陳氏年十八歸李越四載夫亡遺子甫三歲家貧女紅自給時里中病疫母子胥染勢甚狼狽陳仰天禱曰黃口孤兒宗祧所係寧斃我毋傷子尋皆無恙訓子凜若嚴師子卒成立康熙四十一年疏請旌表

胡銓妻侯氏少寡守志久而益勵雍正八年旌表

張奇璵繼妻姬氏年二十六奇璵客死訃聞氏哀毀逾情拮据迎喪歸葬撫前子恩情備至稍長脫簪珥以資服賈家小康淡薄如故康熙五十年疏請旌表

姚元度妻左氏年二十元度病革顧謂氏曰我死汝無守顧俟吾母終年後子幼善撫其成使嗣我氏聞哽咽不能語洎夫卒截髮毀容盡瘁事育孀居三十七載雍正五年疏請旌表

尚苗姐尚正基女族叔所基素無行覲女姿久蓄異志一日見女祖茂明薙穀田間叩正基亦摘花出所基遂潛往女方櫛沐從後樓之女驚急奔出所基禦不許女趨坑上將逾牕下所基強持裂其衣女詈罵不屈所基恐刃殺之先是所基之來東鄰尚崇基曾遇於女門至是疑焉因踪跡得之雍正七年疏請旌表

王承貴妻劉氏年十六適王翁蚤鰥氏勸夫請翁再娶脫簪珥以資費越十載夫亡事翁姑加謹翁姑歿遺夫弟承信方幼恩撫如已子守節三十二年雍正八年疏請旌表

左永篤妻秦氏年十八夫亡守節六十餘年疏請旌表
訓導張述善妻李氏姜寇變李隨姑王避亂山峪兵迫奮身
投崖死又王浩元妻李氏亦以不屈墜崖死

葛振盛妾趙氏姜寇變氏與夫並被擄乃密以簪珥投夫且
曰兵營中勿認我爲婦懼汝害也兵欲亂之不從抽刃以
脅氏乃引頸迎刃而死

生員張猷妻韓氏避盜入山賊追及之韓顧謂家人曰爾各
自爲計無顧我此卽我畢命時也遂投崖下婢滿兒以手
挽之因俱碎焉

展奇第妻王氏姜賊變被執上馬力墜者再終不屈賊怒殺
之

任英妻王氏早寡家貧無依孀姑勸之嫁氏曰婦之不死以

有孤在耳不然身且殉矣何言嫁耶其後家益窮姑攜幼
女他適氏招孀母同居冰蘖四十餘年

甯學古妻張氏少寡事孀姑高氏惟謹未幾媳楊氏亦孀一
門三節胥以冰蘖終

吳來亨妻朱氏來亨任蒲州學正陞臨潁令未之官而卒遂
家於蒲貧無親舊氏青年守志撫孤震霞俱以文名歷六
十餘年壽八十卒

展範妻丁氏博士羅焜妻郭氏張崇茂妻呂氏王良嘉妻李

氏貢士孟紘祚妻張氏陳邦柱妻張氏魯漢基母李氏師

家讀妻楊氏張問世妻柴氏葛正奇妻任氏甯化熊妻劉

氏陳朝瑜妻劉氏韓甸宣妻朱氏薛麟徵妻楊氏高擢桂

妻張氏姚奇勲妻陳氏張紹賢妻柳氏任宗顏妻牛氏楊

山西通志 卷一百五十五
繼星妻張氏尚永岡妻魯氏張奇瑄妻解氏姚攀龍妻李氏沈傅高妻王氏蒲州守禦所王錫誥妻張氏守禦所王洪恩妻李氏張大佑妻賈氏王士峩妻吳氏盧應昌妻胡氏任養善妻張氏張紘妻朱氏牛天才妻常氏牛扶朝妻張氏胡世茂妻柴氏姚養定妻封氏楊密繼妻趙氏馮俊偉妻姚氏任元卿妻常氏焦帝正妻張氏焦君正妻胡氏尚希滿妻蔡氏楊積功妻尚氏馮四謙妻高氏張必應妻辛氏朱錦妻高氏李讚適妻楊氏趙嗣宗妻薛氏同知韓世麟繼妻馮氏趙正立妻王氏孝廉韓鏡妻董氏秦之貞繼妻劉氏楊繼旺妻張氏李浩妻曹氏孫一驥妻張氏張三俊妻孫氏張宗渠妻趙氏張三晉妻相氏張煜妻秦氏焦思禹妻蘇氏妾李氏以上俱守志節

臨晉縣

北魏

金州刺史郭牙妻崔氏牙調官當赴留氏事母母病劇牙歿於官氏忍容事之不令有聞母尋卒牙匱亦至氏盡禮營葬畢不食而死鄉人表爲孝節之門

明

董良德妻宋氏年十四適良德家貧不繼朝夕閱十年良德卒鄰里憐其無依咸爲勸嫁氏不從遂自縊隆慶間旌表其門

生員王幕妻陳氏年十九夫亡遺子三策未期家貧如洗人皆難之氏誓死不二織紉力作撫三策成人踰四十年卒巡按扁旌其門

山西通志 卷一百五十五
生員王師德妻姚氏夫亡無子撫姪炫以繼夫祀訓讀列膠
庠年七十卒

王康妻荆氏年十七夫亡子于楚在襁褓茹荼撫孤萬曆間
奉詔旌表

許遷喬妻張氏歸許二載生子爾甲未週夫亡織紡度日終
身不二有司上其事奉詔旌表

張鳳翔妻呂氏年十七夫亡遺子樸方在抱孀居四十年訓
子成名奉詔旌表

張宜妻蔡氏年十七夫亡無子誓不改適艱苦勵搯壽七十
而卒有司上其事詔旌

廩生姚在陞妻胡氏子翼宸妻李氏甲申逆闖將及胡顧謂
李曰賊熾甚倘不免實墮家聲毋寧死之遂以襁褓子囑

乳婦趨赴深井姑先下媳繼之至今名其井曰雙烈井

王氏少司馬李棲鳳子世昭妻闖賊入境氏偕民婦避難蛾

眉原之土穴中賊搜獲羣驅而出氏據地不起賊呵之且

脅以刃氏曰頭可斷義不可辱賊曳之行十餘步見深崖

歎曰吾得死所矣躍身投下腦裂骨折而死

荆世寵妻陳氏劉思光妻王氏高標妻張氏少司馬李棲鳳

繼母胡氏胡勳妻周氏以上俱守志節

國朝

生員荆爾樾妻孟氏夫亡矢節事姑盡孝訓子長發讀書入

泮時稱節孝俱全康熙二十七年建坊旌表

僉事呂雲藻妻楊氏夫亡撫前室子增有成歷數十年清操

允著題請建坊旌表

張汝民妻杜氏年登百歲康熙五十一年旌表

孫烈女生員孫永徽女字孟某于歸前五日孟卒女日夕飲

泣誓不更適尋邁危疾語祖母曰兒夜遊澗遇一柳二椿

間憇焉閱月而卒孟葬請耐許之墳正當一柳二椿間也

廣文石琨園作烈女傳

王宗陵妻衛氏合巹夕宗陵已病篤未三月宗陵卒姑憐其

少欲爲改字氏斷髮示志孀居十四年而卒

劉四維妻樊氏年二十而寡撫子撫孫更撫曾孫植三世藐

孤苦節七十八載壽九十有八卒

生員劉復元妻杜氏年二十三夫亡無子女貧且不謀朝夕

姻黨勸之他適氏矢死不從茹苦四十年卒

周文奇妻郭氏早寡誓不改操妾孫氏感其義同守以終邑

令旌其門曰一門雙節

衛大垣妻馬氏年十七夫亡誓死方抱娠勺飲不入口者數

日舅姑諭之曰汝不爲而夫後嗣計耶氏意寢解閱數月

生子弘生辛勤鞠育已歲十有二偶過外氏突有諷之嫁

者氏泣數行下曰向之不死徒以藐孤今孤已長吾生爲

贅疣耳遂攜孤返備言身後事潛自縊時年二十有八

荆璋璘妻姚氏劉從寬妻姚氏舉人姚在朝側室焦氏衛應

光妻姚氏張良魁妻王氏王士熊妻許氏張經典妻劉氏

李烜妻張氏荆澍妻趙氏樊錫爵妻趙氏王聘鰲繼妻韓

氏孫鴻烈妻衛氏杜尚德妻張氏許樸妻趙氏王愜妻張

氏閆國法妻張氏荆山英妻王氏謝紹燕妻薛氏謝顯相

妻王氏郭栢知妻呂氏衛季妻郭氏趙京妻段氏魏祚妻

山西通志 卷一百五十五
王氏王萬成妻李氏荆騰鶴繼妻趙氏孫應瑞妻郇氏姚
五英妻樊氏程秉讓妻衛氏李岑妻王氏呂俊聲妻周氏
王蕙芳妻王氏楊松林妻王氏王錫瑀妻陳氏晁貴妻孫
氏舉人賈顯妻郭氏吳重明妻衛氏周道昌妻秦氏賈昉
繼妻陳氏吉逢泰妻趙氏以上俱守志節

虞鄉縣

虞

宵明燭光舜女也路史舜次妃癸比氏生二女曰宵明曰燭
光處河大澤靈照百里是爲湘之神羅莘注大澤謂洞庭
言神處此故靈光及於百里也以湘神黃陵爲堯之二女
非舜之女也唐屬岳司馬氏屬長沙天祐中號懿節

元

麻懷祖妻顏氏年十七夫亡撫男紹先守節壽八十有八卒
至大四年詔旌其門

明

邵明紀妻張氏年二十夫亡矢殉會葬夫作壙氏囑曰壙宜
寬爲我終身地壙成氏閉戶沐浴理妝整容如歸寧狀旋
入室投繯以死次日二柩同舉觀者流涕邵嗣堯挽以詩
邵千妻高氏年二十夫亡無子人利其產逼他適氏刺面截
髮誓死拒之時千兄萬夫婦胥歿於疫遺子孟通甫三歲
氏撫如已子卒底成人氏卒孟通爲終三年喪

國朝

生員曹鎔妻王氏年十八適曹越七年夫早世撫四歲子讀
書成名卒年六十有二生員曹昌辰妻李氏年二十三昌

辰故遺孤甫十月撫成列庠序又先卒氏茶茹撫孫壽八十一而終雍正五年二氏俱祀節孝祠

李月林妻姚氏年二十二夫故無子事孀姑三十餘載姑年七十卒氏亦旋歿

薛建基妻張氏年十八歸薛二十二而寡子鍾秀甫彌月守節七十一年九十有二卒

姚家寧繼妻邵氏年二十五夫故無出前子亦早折育孫守志終始如一

王弘義繼妻張氏年十九夫故家貧無子女撫前子振魁成立矢節終身

生員申燮妻張氏年十九夫故翁繼歿遺孤目雙瞽氏誓死不二歲禮隣有孀婦將轉適氏慰留之賑以粟米縣令旌

其門以爲世風

王貞女王業建女名栢英字羅村魏述基將嫁前一夕述基死女哀慟絕飲食者三日請往弔父許之至則持服奉姑撫族子爲嗣邑令劉旌曰金石矢貞

張我僕妻王氏生員曹元勳妻姚氏申士珍妻王氏邵明超妻王氏晁貴妻孫氏張亮之妻左氏麻世喬妻翟氏樊世誠妻靳氏樊名揚妻王氏樊弘祚妻尚氏進士尚翌岐妻鞏氏楊櫛妻韓氏張蘊樸妻劉氏張自重妻尉氏以上俱守志節

猗氏縣

元

薛圭妻王氏年二十適圭生子璧甫週圭卒養姑育子守節

山西通志 卷一百五十五
弗渝璧娶杜氏從戍卒杜年二十六父母勸更適杜曰妾
姑守節妾忍棄姑失節耶卒不能奪璧從弟珍娶趙氏年
二十珍亡無子亦守志不他孝姑彌謹至元間旌表爲三
節之門

楊恩妻趙氏生子彥貞方九月恩亡攻苦撫孤皇慶中旌表
彥貞娶杜氏生子思諭方五歲彥貞亡杜年二十四守志
如姑至元四年旌爲雙節之門

明

廩生王臣妻何氏年二十四生子宗甫一歲臣亡氏孝養姑
嫜課宗業儒成進士官工部郎中姪宏亦早孤氏教養如
宗遠近賢之事聞詔旌

翟通妻解氏年二十七通卒矢守訓孤嚴肅長宣務農業次

敬治儒術孀居二十餘年壽八十卒敬成進士官太僕寺
少卿贈解太恭人

喬雯妻令狐氏年二十二夫亡食貧守志撫子成立壽八十
有四萬曆中巡按趙題旌

任宏妻張氏年二十三夫亡遺子闕甫週族人漁其貲逼嫁
不撓謀斃孤氏扃戶匿闕者數年暨闕露頭角氏泣曰吾
始爲汝母汝始爲吾子矣紡織佐讀闕早貢於鄉官河間
通判孫汝亮成進士猶及見之壽八十一卒隆慶己巳建
坊旌表

舉人楊聯芳妻令狐氏少有至性從父鏜授列女傳及笄歸
聯芳甫成名尋病瘵卒氏年二十七遺一女父母勸之嫁
氏泣曰令狐詩禮之族奚容有再醮婦但少時父所授書

山西通志 卷一百五十五
謂何乃迫女於尺組下耶自是不抵父舍鄰有購舍傍隙地者斥曰吾孀而棄夫之宅何顏見夫地下絕葷茹素不御綺羅守節二十餘年卒

楊騰飛繼妻姚氏前子仁妻孫氏仁先卒後三年騰飛亦卒孫年二十三姚年十九姚女未週孫子佳印甫一歲姑婦矢志畢世不渝

李貞賢妻范氏年二十三賢卒遺孤學顏甫三歲氏抗志守節課子力學成名巡按題請旌表

庠生裴鷗妻荆氏鷗亡氏啣恤撫孤四十餘年凜如一日巡按題請建坊旌表

庠生常元楨妻張氏年十八夫亡砥節撫孤氏嚴色正氣凜不可犯元楨弟家有鬼祟患擲瓦飛礫卽貴介大紳至弗

懼也張至則寂然無聲直指聞其事詔旌之

米萬厥妻董氏姑幾百歲失明夫亦瞽不能周養氏勤紡績以給食冬寒負之暄日每先姑後夫夜無衾挽夫足環抱其姑解衣相覆而寢數年如一日鄉里推舉當道旌其門曰賢孝之婦

庠生孫昌期妻陳氏昌期爲族人昌祚凌迫死氏年二十一無子女抗志復仇屢控當道訴夫冤卒蒙審理昌祚坐罪褫衣頂遂哭告夫墓曰夫冤稍伸妾可從死但舅姑且老誰爲侍養嗣自勤績緝操井曰生養死葬盡禮無愆孀居五十八年壽七十九歲卒

卞和玉妻朱氏和玉與楊生忤楊生動訴其父母和玉忿刺之死隨自經時氏年十九歎曰夫死孝妾獨不能死節乎

山西通志 卷一百五十五
亦卽自縊喬侍御挽以詩有父仇恥與天俱戴夫死羞稱人未亡之句

武舉令狐縉繼妻姚氏年十九而寡矢死守節撫二子成立孀居六十餘年詔旌其門

雷汝茂妻原氏夫亡食貧守志壽八十七歲卒萬曆四十四年建坊旌表

行人王春楨妻荆氏年二十六夫亡守節課子含光早年登第亦任行人疏陳母節詔旌

孔學易妻郝氏年二十三夫卒茹苦守貞歷三十七載事聞詔旌其子伯江育義女云姐適張有春年十七闖亂守義不辱拖子匿井中賊以火薰之死蓋亦由郝之貞訓有素也知縣陳素抱爲之傳

陸氏庠生陸振奇女安邑義民廉名揚妻甲申闖亂陸偕母劉避難堡中賊至被執甘言誘從不可遂脅之載馬上以行陸投地詈罵曰死卽死矣決不以良家婦從賊污也遂伏刃

令狐氏陝西巡撫喬應甲子拱秀妻也崇禎初應甲卒拱秀偕妻被逮胥吏迫就道手推令狐拂其指氏憤然作色曰吾指豈爲賊吏所污耶遽引刀斷之人咸爲之咋舌

令狐綱妻陳氏沈廷吉繼妻丁氏耿節妻楊氏史文德妻管氏生員衛道妻李氏荆一德妻晨氏杜江妻張氏何東直妻孔氏孫周妻王氏楊繼志繼妻張氏喬應徵妻閆氏李光普妻楊氏何洪烈妻張氏生員喬唐建妻陳氏生員衛珣妻荆氏舉人閆養醇妻王氏生員荆可楓妻張氏何起

山西通志 卷一百五十五
三
翔妻李氏何士俊妻王氏曹鳳翔妻李氏荆永芳妻楊氏
李春賢妻何氏王承倫妻張氏劉德盛妻王氏原天倫妻
張氏趙天福妻曹氏張嘉猷妻王氏高守山妻張氏鄭繼
芳妻關氏張問仁妻荆氏楊邦正妻張氏以上俱守志節
國朝

景登選妻李氏少寡守節撫孤終身康熙十一年建坊旌表
郭琛妻荆氏生子不育琛病革氏慟語母曰兒無姑何依無
孤何撫願及其未瞑先死以博一顧母止之不得遂吞毒
藥腸斷指裂見者雨泣琛亦尋卒康熙二十七年事聞建
坊旌表

衛孟麟妻荆氏年少守節教子繩康有成康熙二十八年建
坊旌表

歲貢荆冲奎妻王氏年二十六夫亡無子撫姪爲嗣積勞成
疾雙目失明苦節三十餘年事聞建坊旌表

郭邦畿妻裴氏年二十夫故子女繼天煢煢茹苦歷四十餘
載康熙二十七年疏請旌表

杜得福妻楊氏少且艾鄰人荆良柱艷之會得福往糞田良
柱以假物爲名入室逼污氏怒罵力拒得福歸語其故姑
以爲醜不欲聞秘之氏恚自縊雍正五年疏請旌表

何宗文妻石氏翁老病失明委頓牀褥反側需人氏扶掖周
旋者七年無倦色鄉黨賢之

劉文煊妻郭氏年十八夫亡無子撫姪守志繼姑尋卒遺子
女未離襁褓氏胥撫成俾有家室

衛中夏繼妻王氏歸衛食貧操作夫歿嚴翼守志嘖笑不苟

山西通志 卷一百五十五
三
姻黨莫敢犯或以禮饋遺亦不輕受常戒子曰人須自立
勿受人憐也後闔學議請旌節氏曰守節分也沽名何爲
命子芳謝止之芳成進士官副使以理學經濟著氏封太
恭人時孫旣齊亦成進士官翰林氏猶手親紡績不輟壽
七十有七

張永壽妻李氏年十八守節壽八十有八終子文光家貧讀
書不能卒業有勸之充里書者文光曰不肖事母唯色養
耳寧餓死不敢辱身吏胥漁牟滋蠹也手植果園供菽水
時以孝聞

于應登繼妻邵氏年二十三夫亡課二子學成胥列庠序前
子是揚卒撫孫泰徵徵卒撫曾孫永錫氏之有造於于氏
蓋四世云

庠生荆文邵妻陳氏年二十四夫亡無子色養孀姑清操孚
於閭里女適郭琛年十八仰毒殉夫殆得母氏之芳型歟
荆文漢妻郭氏年二十四夫亡與姒陳並矢栢舟人稱荆門
雙節

荆世芳妾靳氏少寡主母命改適氏不從族姊亦爲世芳姬
有二子協力共撫年七十五歲卒

陳可濟妻任氏家貧日不再食怨尤不形歲歉夫死於饑氏
營葬畢號泣於墓投井死

郭爲翰妻荆氏年十七適爲翰逾歲爲翰隨世父任卒於越
氏飲毒自盡家人覺而解之自是日或一食故啜冷水未
半年疔瘡而卒

荆天福妻張氏年十七夫亡生子甫三月值歲饑翁欲嫁之

山西通志 卷一百五十五
氏不從翁避荒異地遺七旬祖姑氏紡績資養不致凍餒
後數年翁歸見老母康寧幼孫成立大喜已乃大慟曰吾
負孝婦矣邑令旌之

荆起端妻王氏夫亡遺子女各一窮瘁萬狀夫弟將奪而嫁
之氏投井死

史書妻張氏書本籍秦中行醫倚邑書卒遺一女氏父進才
勸其改適氏正色曰從一而終義也進才潛受人聘氏聞
寄女於史之友自縊而死

衛周慶妻陳氏周慶早世氏撫子密孫廣心皆不永年又撫
曾孫介迄於成立歷六十餘年壽九十一卒

岐烈女字李軒子爲妻李子與人戲悞中箭死女聞訃潛取
聘帛自縊學政邵嗣堯爲之傳

庠生喬雲書妻陳氏年十八雲書卒栢舟矢志苦節終身

王命召妻暢氏年二十六夫亡撫三孤姒董氏亦早孀無子
暢嗣以幼子引董同居玉成其志人謂暢愛其身施及其
姒云

王智妻李氏智弟信妻史氏俱早孀旣而其姑又歿遺幼子
四人二氏協力撫成完節以終

柴天福義子全妻楊氏全歿福年老病癱不能轉側楊躬親
哺掖者五年邑令旌其節孝

曹啟倫妻王氏年二十二而寡無子念翁姑無依誓不他適
歲荒菽水不缺於供翁姑倚之如子三十年如一日

庠生喬振茂妻張氏年二十四而寡子士容甫三月晨夕悲
泣引縋欲自懸家人嚴伺之終不櫛沐毀容自廢迄改歲

哀慟而卒

廩生王濟正妻令狐氏年二十九而寡姒介氏庠生周正妻年十八而寡胥守志行當道以雙節旌令狐長子含弘早歲領鄉薦公車北上卒於燕遺妻令狐氏年十九撫從孫錫銘爲後嫠居六十餘年爲不愧兩姑云

張嘉猷繼妻潘氏生員杜鑛妻原氏荆服采妻王氏生員郭至道妻張氏張中鶴妻原氏衛啟士妻高氏生員景毓慶妻荆氏武生喬應祐妻閔氏生員陳國祚妻張氏張士登妻解氏進士王含真妻陳氏郭斗乾妻趙氏生員喬應訪妻廉氏張節妻王氏畢文禮妻令狐氏楊公喜妻趙氏趙遵案妻路氏生員荆欽章繼妻高氏生員路弘運妻侯氏高起鵬妻張氏張厚學繼妻邱氏王國信妻張氏景君順

妻孔氏王公辛妻席氏荆陽春妻管氏張其勳妻米氏邵憲堯妻許氏許壯行妻李氏王謙益妻荆氏張志瑾妻陳氏楊廣妻荆氏喬鎮蔚妻陳氏郭天錫妻曹氏張維先妻郭氏杜維祺妻張氏張泰運妻曹氏荆含璟妻王氏管廉妻曹氏媳趙氏王維緒妻王氏張新雅妻樊氏荆佐鄢妻王氏張運福妻王氏秦生妻范氏張金仲妻楊氏令狐永年繼妻劉氏令狐永田妻尚氏荆文貞妻王氏衛阮誠妻杜氏衛阮温妻楊氏李喜中妻韓氏柳自隆妻楊氏王作朋妻張氏許惟慎妻馮氏許爾福妻張氏許維雙妻張氏陸法贄妻董氏樊龍牽妻王氏原慎妻張氏荆文運妻石氏郭四教妻王氏令狐士誠妻衛氏王俊學妻孫氏沈滿斗妻張氏趙自清繼妻閔氏暢恩秀妻王氏姚養生妻劉

山西通志 卷一百五十五
氏黃益福妻張氏潘成緒妻衛氏遲福貴妻王氏原始昆
妻李氏關時明妻王氏吳光耀妻路氏曹弘毅妻王氏孫
培初妻鞏氏南克明妻楊氏羅麟定妻王氏陳立法妻曹
氏張洪鶴妻王氏張問達妻王氏張所性妻岐氏韓臨妻
張氏孫騰蛟妻岳氏王遵法妻牛氏孟仕晉妻陳氏劉應
翼妻楊氏何紹先妻曹氏王茂績妻張氏張宗賢妻喬氏
解河東妻趙氏孟延楚妻樊氏張奇觀妻王氏王九一妻
楊氏王國秀妻曹氏岳國英妻楊氏張士祿妻薛氏鎮撫
令狐熠妻荆氏生員張誼妻介氏陳國謨妻王氏張思順
妻荆氏張照乾妻喬氏耿增立妻令狐氏陸春林妻董氏
荆佐彭妻關氏張璞輝繼妻雷氏張文華繼妻裴氏孟仕
秦妻姚氏劉文煊妻郭氏張仲侯妻陳氏喬萃秀妻陳氏

楊敏妻荆氏張廷實妻馬氏孫士元妻吳氏衛元青妻曹
氏孟四臣妻齊氏劉來遠妻陳氏陳舉業妻王氏關掄妻
任氏王惕修妻邸氏令狐居慎妻路氏張士智妻姚氏陳
美發妻拓氏張廷言妻閆氏胡增福妻薛氏程繼世妻王
氏郭春全妻許氏荆作樞妻翟氏杜如密妻張氏孟仕齊
繼妻常氏梁康魏妻劉氏李全敬妻荆氏李繼緒妻孔氏
張士秀妻龍氏王佐臣妻衛氏袁春奇妻李氏梁邦楨妻
賈氏裴得福妻陳氏閆洩妻陳氏孫守貫妻趙氏羅緯妻
陸氏高自先妻路氏何昇妻景氏岐豐亨妻尹氏陳克容
妻趙氏王化龍妻楊氏王作霖妻李氏解清妻李氏張三
希妻李氏岐建猷妻邸氏程藝妻張氏陳大受妻李氏張
泰春妻王氏路爾詮妻張氏介元亮妻馬氏龍養麟妻解

氏令狐禹基妻何氏馮養信妻陳氏王克遜妻李氏令狐
先圖妻雷氏岐開敏妻張氏張延敬妻趙氏李全忠妻郭
氏張從仁妻侯氏張從禮妻喬氏孫淑禹妻胡氏陳應明
妻令狐氏孫安楚妻何氏杜繼秀妻紀氏王克弘妻胡氏
何顯儒妻閔氏程有弘妻李氏郝進秀妻令狐氏曹繼唐
妻杜氏邵晟妻管氏杜周林妻荆氏陳大有妻王氏楊廣
妻荆氏李天良妻賈氏程振法妻高氏曹希先妻柴氏穆
發才妻張氏李鱗照妻趙氏喬于洽妻張氏錢賜福妻王
氏郝壯闡妻邸氏杜弘度妻張氏劉高科妻王氏衛得良
妻何氏陳淑妻鄧氏褚含經妻王氏薛雲吉妻楊氏裴埒
晉妻景氏翟朝璋妻王氏王道中妻楊氏石南玉妻任氏
關文斗妻子氏以上俱守志節

萬泉縣

金

王海妻廉氏全女年十七適王生子甫週夫歿奉姑撫子終
身不二大定四年旌表

元

忽梁圖妻周氏其先上蔡人梁圖從軍江漢歿於王事氏守
義撫孤享年八十而卒

明

生員楊喬妻史氏年二十四夫故三年未嘗見齒奉姑甚孝
姑年九十三不能動履朝夕侍奉無怠姑歿葬盡禮有羣
鶴遶於其宅咸謂節孝所感事聞旌表

李軌妻暢氏軌任南康府照磨正德中流寇陷城守臣以下

皆遁軌獨偕子死難氏亦死焉

孫清妻王氏生二子夫故撫孤守節夫弟亦故遺一子撫如

已子比長均業授之里稱賢節

張氏雙節義民張宗漢之二女長適王尚志次適吳告君胥

早寡守志以壽終

董廷接妻衛氏年十八而寡無子女家貧如洗勵節六十餘

年當道咸加存卹

薛陵妻牛氏薛應滂妻李氏賈勝妻張氏生員閆文妻王氏

劉仁妻孫氏高應科妻李氏以上俱守志節

國朝

王貞女王昌祉之女年十六父母偕出里中兒薛進喜窺其

獨處逼污之女不從被殺維時鄰幼女有竊見之者微露

其端倪邑令瞿亮邦讞獄無異論進喜如律康熙三十六
年建坊旌表

楊月蘭妻解氏年十八性貞淑動循禮法月蘭表姪董胎子

往來其家氏以至親畜之會月蘭賈於外解獨居胎子乘

夜入氏寢犯以非禮氏持凳奮擲胎子奪凳還擊氏身無

完膚血漬牆屋間叫呼之聲不絕胎子遂斷其頭而遁知

縣鄭章廉訪得實斃胎子於獄表氏墓曰節烈解氏之墓

訓導王守身繼妻李氏子特遴妻張氏早寡胥以撫孤守節

終

生員賈之麟妻劉氏年十九夫亡無子女矢志患臂疾

家人命醫治之氏曰寡婦之臂可令人視耶竟以疾終

生員屈愈昭妻吳氏愈昭早喪鮮昆季無子女二老在堂氏

忍死奉養痛翁無祀鞠伯翁幼子存繼翁系

牛拱薇妻王氏子射斗妻張氏姑媳孀居志操如一

范繼正妻董氏年二十七夫亡子夭值歲凶絕糧無策鄰女

有市髮作髻者氏剪髮易粟以膳二人自拾青棗剝樹皮

食之奉養歷二十年士民咸頌其節孝

杜茂新妻暢氏薛國瑚妻李氏王家礎妻賈氏張心誠繼妻

李氏薛綿瑄妻蔚氏賈彭年妻董氏費自省妻黃氏李自

新妻王氏王穀躅妻薛氏趙賓周妻賈氏吳方亨妻賈氏

衛帝股妻張氏李五猷妻姚氏孫光耀妻李氏以上俱守

志節

榮河縣

唐

薛氏汾陰人道衡女楊炯薛振行狀神堯婕妤河東郡夫人

公之姑也每侍高宗詞翰高宗嘗顧曰不見婕妤經數日

便謂社稷不安其見重如此

林氏濟南人隰城丞薛元曖妻也元曖早卒林博涉五經有

母儀令德訓其子彥國彥輔彥偉彥雲及姪據總播並登

進士第衣冠榮之

韋氏京兆人吏部侍郎温女適汾陰薛蒙工屬文續曹大家

女訓行於世

元

張益妻楊氏克修婦道勤於女紅未幾舅姑與夫相繼歿守

志終身大德八年旌表

明

山西通志 卷一百五十五
趙立妻張氏年二十餘夫故戚容垢面苦節四十一年弘治元年旌表

樊清妻吳氏年二十二夫亡事舅姑撫幼子孀居三十五年正德十一年旌表

生員馮信妻蔡氏年二十四夫亡子學甫六歲守節四十九年嘉靖十四年旌表

劉遵義妻田氏年十九夫亡誓不改嫁教子成立嘉靖間旌表

武應舉妻盧氏莊靜有女德年二十夫歿矢殉父母慰止之貧無所贍寄居母家紡績自給歷四十年卒萬曆間旌表
蔡澄紀妻潘氏年十九夫亡生子甫一月矢志守節歷年八十事聞旌表

張自立妻武氏年二十三夫亡父母欲改嫁之引刀自決繪夫像敬事終身事聞建坊旌表

盧國治妻潘氏夫遘病數年侍奉不少怠比卒氏年二十四比操金石享壽八十事聞旌表

生員郭九韶妻李氏年二十夫故矢節撫孤天啟四年旌表
子俊彥預恩薦授通渭令氏封太孺人

郭建極妻孫氏年十七闖亂匿崖下穴中賊搜得之見氏有姿色引其手氏奮力脫臂投崖死

國朝

潘邱昌妻周氏年十九夫亡無子撫姪守志當事旌其閭歲給粟帛

生員李盈院妻杜氏年二十夫亡氏擗踊號慟誓以死殉潛

山西通志
卷一百五十五
五
主縊柩前

生員丁繼美妾趙氏繼美年老無子娶氏生子甫三月繼美
亡氏立志撫孤外侮叢集志不少挫

崔汝寬妾王氏年十九汝寬卒氏痛哭曰主之娶我也以無
子我之不死也以有娠暨後生子呈嵐苦節撫孤卒綿夫
祀

張五綱妻崔氏姜寇變潛匿高窰賊入牽之氏不受辱投百
尺崖而死時年二十歲

侍郎李嵩妾林氏嵩病劇氏卽絕粒嵩卒縊死於棺側

生員聶雲翊妻李氏吳承鼎妻馬氏潘宗文妻王氏范芬妻
潘氏樊養智妻陳氏樊宏允妻白氏生員張輝妻李氏陸
衍妻楊氏生員潘毓麟繼妻郭氏生員丁夢弼妻茹氏陳

嘉謨妻韓氏王宴妻陳氏黃瓚妻謝氏黃秉仁妻趙氏陸
進妻潘氏潘逢浪妻武氏郭維新妻茹氏張自儉妻潘氏
薛自蘭妻王氏王洪薦妻張氏張廷珍妻蔡氏樊焯妻聶
氏吳作聖妻樊氏茹鳳栖妻趙氏郭運周妻潘氏郭翰畿
妻王氏以上俱守志節

山西通志卷第一百五十五

山西通志

卷一百五十五列女

七

山西通志 卷一百五十六
韓軒妻曹氏年二十一軒亡舅逾耄子蒿甫週歲氏食貧操
作奉翁無缺禮訓子底於有成成化三年旌

藥俊妻王氏年二十三夫亡守節育子踰六十卒成化十年
旌表

李烈女字孟春李維長女正德六年賊迫自度不免迎謂賊
曰姑少俟容易新履以從登樓久不下賊趨視已縊於戶
後賊嗔其給已揮刀斷屍而去時年十有七歲

原女名芙蓉原宗淮女年十八未適人正德六年與祖原資
同被賊掠女曰釋我祖卽汝從賊爲釋之女睥睨祖遠拂
然改容詈罵求死遂遇害

張女名玉蘭張俊次女年十八偕羣婦避亂養濟院中賊至
大索擇美艷者十餘人以行玉蘭亦在選驅之獨不從賊

怒殺之

小甄兒曹錦長女年十九被掠母愛憐之令且無死甄兒曰
我家傳清白兄列衣冠今從賊偷生後將安往不如死遂
被害

王敏妻宋氏年二十四歲賊變與諸婦藏於室賊破門而入
盡驅之行氏獨匿房投繯死

尚義妻李氏年二十歲被賊執奮罵不屈投井死

韓經妻鄭氏年三十歲聞寇警匿鄰婦白氏室中賊索少艾
白氏告其處挽之不出遂見殺

孫資妻張氏賊至不屈偕二女胥遇害侯倫妻常氏年二十
五歲藥奉妻張氏年十七歲楊繕妻郝氏年二十七歲胥
以不屈死

山西通志 卷一百五十一
馬進成妻宋氏年二十五夫亡矢志不二撫孤成立壽七十
二歲卒知州許申請旌表

張天瑞妻王氏子一中妻原氏胥二十餘而寡撫孤守志姑
婦同操隆慶間御史旌其雙節

趙季冬妻周氏年二十夫亡逾月遺娠生子氏鬻手撫孤迎
養孀母終年萬曆間御史旌之歲給以錢米

白守安妻李氏少寡撫子甫成尋亦卒復撫幼孫閱年八十
有四當事旌之

生員郝奇士妾吳氏崇禎壬申寇警女雙孩年十四氏恐被
賊污迫之縊視其旣死亦卽投繯自盡

生員秦之奇妻郝氏壬申寇變舉家匿高樓俄而寇至圍兩
日不下賊積薪爲縱火計氏挈子容語夫曰事危矣君兄

弟五人止此一子速負之踰垣下天不絕秦祀難可脫也
之奇詰氏所之曰必不辱君投烈焰而死

王沒妹生員王家俊女流寇陷城母拊其背曰賊勢已迫兒
無辱身女聞命遂引簪自刺觸柱死

弓大姐貢生弓發第長女壬申年十六聞賊至投火死奉詔
建坊旌表

王雍俊妻巨氏夙嫻婦道鄉里稱賢壬申寇入城氏挈子避
難賊迫氏曰我良家子不忍落賊人手遂棄子自縊

生員劉啓先妾王氏聞賊陷城抱二歲女投井死啓先嫡女
適孫敬承歸寧母家庶母死氏卽從之

王政妻任氏趙繼國妻韓氏王祐妻杜氏楊道儒妻李氏趙
延吉妻李氏薛永昌妻房氏生員趙嘉謨妻常氏王科元

妻邢氏宋國順妻王氏趙丕揚妻王民生員劉振元妻孫
王氏郝秀士妻楊氏劉燕和妻常氏孟三槐妻弓氏李本清
妻王氏李廷臣妻趙氏以上俱守志節

榆社縣

明

張子慶妻楊氏歸慶一載而慶卒氏年二十擗踊號泣三日
夫旣歿縊於柩側

廩生王懷賢妻趙氏年二十六夫亡撫子二國寧國定爲諸
生胥先氏卒與兒婦兩周氏同撫孫曾入庠者六食餼者
二守節六十四年壽九十有四長婦八十二次婦周八十
楊保姐楊相之女嘉靖甲辰年十五山賊楊邠嘯聚肆掠聞
女美舉火劫之女義不受辱卽投烈焰自焚死邑令馮立
碑墓所曰烈女楊處子之墓有讚

楊墨女楊傳芳女嘉靖甲辰賊犯境女與衆婦登閣避之賊
縱火於下女泣謂母曰人生孰無死辱身不可爲遂從閣
投火及墮地距火數步賊欲挽之女急匍匐入時年十有
四歲當事勒碑以紀其烈有讚

生員田世用妻李氏年二十五而寡遺襁褓女二氏撫之守
志事孀姑尤謹奉詔旌表

李攀月妻孟氏年二十六夫亡幼子一孀守五十年奉詔旌
表

李好樂妻王氏好樂十四游庠十七而天氏矢死哀號不輟
聲夫葬畢自縊於室

生員李舒馨妻連氏年二十二而寡晝夜哭泣勺水不入口

旬日而殂

廩生李雲龍妻程氏年二十三夫亡慟絕復甦雲龍甫蓋棺氏卽雉經以殉

岳烈女岳進德女年十九美姿容崇禎壬申避寇出走行至河突與賊遇女大罵不屈賊怒割舌剖腹最爲慘毒維時隣婦楊桂妻廁其旁股慄不能正視

裴烈女裴爾榮女年十七被寇掠迫之俱去氏策馬疾馳躍高崖而墜裂屍數段死

劉東川妻張氏子生員繼明妻郝氏庠生張淮妻王氏李震妻白氏廩生郭朝賢妻趙氏張克堯妻高氏常愈壽妻朱氏范大倉妻李氏周海妻趙氏生員李遇霖妻裴氏吏典王元印妻曹氏監生常城妻王氏王志民妻孟氏以上俱

守志節

國朝

廩生田凝玉妻石氏年二十六夫病憂勞備至將不起氏欲從死家人防之凝玉歿三日防偶踈自經柩側

喬肯堂妻周氏庠生趙學博妻王氏庠生王之佐妻裴氏張鳳翔妻趙氏庠生張維坤妻常氏廩生王維乾妻常氏廩生連城琇妻王氏廩生石擎天妻常氏以上俱守志節

和順縣

明

齊景妻李氏年十九夫亡無子守節終身

生員王煒妻馬氏年二十夫亡事翁姑撫幼子孀居四十餘年完節以終

監生郭廷佐妻藥氏年二十有奇夫亡子甫週歲氏矢志不
二教子成立年八十餘卒

生員周士奇妻李氏年二十餘而寡無子女生員周士傑妻
王氏年十七而寡生員周士美妻王氏都御史雲鳳孫女
亦年十七而寡三孀一志畢世不渝當事以三節旌

沁州

元

劉瑋妻張氏晉寧路沁州人至順三年詔旌志節

明

生員溫縉爵妻李氏夫病禱天願代及卒遂自縊奏聞旌表
劉慶妻周氏年二十而寡矢志撫孤尋子亦卒氏節操不移
成化八年奏聞旌表

義官馬驥妻姚氏年二十五夫亡遺一女矢志守節閨門肅

然正德十一年詔旌表

李謙妻張氏年二十夫亡無子安貧守志誓不他適張邁疾
其女名白女兒截手中指沸湯以進張病旋愈人稱節母
孝女云

生員楊可進妻王氏年十九夫亡苦節勵操撫孤成立壽八
十有六奏聞旌表

左東漢妻霍氏早寡遺孤宁未週撫成娶婦越三年宁亦歿
婦武氏勵志如姑子之弼登賢書之相列邑庠

生員秦孔威妻王氏年十九而寡撫子守節孀居四十餘年
萬曆間奉詔旌表

張光斗妻吳氏崇禎間流賊猖獗氏被執不屈扶馬上輒下

山西通志 卷一百五十一 六
墮賊怒亂刀斫死

吳明道妻史氏爲流賊所獲賊衆噓飲脅之坐令行酒氏涕泣不顧乘間出投廁賊挽起爲湔滌更易衣頃復投之賊怒擊以瓦石死

生員劉薦妻張氏被寇掠縛馬上求死不得行四十里許賊汲水飲馬氏奮躍索盡斷趨赴井死

駢應春妻陶氏應春方汲井上賊驟至被殺氏聞難奔赴抱屍痛哭先投女子井氏從而墜之

生員張習古妻王氏監生張惟遜妻李氏左東銘妻張氏生員曹廷佐妻張氏崔林妻張氏生員王尚賢妻武氏廩生張士瑞妻時氏生員楊魁妻劉氏舉人劉三元妻郝氏吳士英妻王氏宋詔妻胡氏妾張氏趙明輝妻姚氏以上俱

守志節

國朝

生員閆尙名妻程氏年二十五而寡子幼姑老氏生養死葬克盡婦道壽七十四卒康熙三十九年疏請旌表

生員秦繼緒妻陳氏年二十八而寡家貧日一食冬不棉畧無怨色課子綦嚴夜鮮膏油氏爲燃薪以照子駿卒爲知名士苦節三十三年壽六十五卒雍正八年建坊旌表

廩生楊廷擢妻張氏少寡事姑孝課子尤嚴旣長遣就外傳

晝所受業夜歸必令習復成誦惰則輒加鞭扑不宵分不止子徵奇尤奇俱列庠食餼尤奇成進士讀中秘書氏意差慰踰年遂卒大學士李光地爲之傳

岳冲漢妻楊氏夫亡子大嗣族子又歿境苦節堅壽八十六

靈應亨妻劉氏年二十三夫亡遺孤亦天立志守節壽八十
二卒

王悅曾妻張氏年二十三夫亡一女方五歲悅曾有幼弟二
氏撫之如子會有求婚者氏微哂曰俟叔有室女有家吾
有以自處也何曉曉爲越十數年婚嫁旣畢氏曰吾責盡
矣闔戶自縊

楊培模妻王氏培堂妻李氏胥少寡模子一堂女二妯娌共
撫成之未幾子秉正卒幼孫復天正妻陳氏亦青年矢志
以終

張鮐妻王氏年二十一夫亡矢志不二恒拊二女而言曰俟
若事畢吾當爲自了計閱十有七載兩女相繼出閣氏哭

泣求死遂自縊

生員楊蔚起妻李氏年二十七而寡撫子撫孫胥先氏卒苦
節五十年壽七十六卒

生員劉元生妻王氏生員王士佐妻溫氏生員李鳴鳳妻楊
氏生員楊春肇妻程氏生員楊甲名妻張氏生員李廷翰
妻李氏孝子楊春光妻武氏崔凌雲妻劉氏秦都雍妻王
氏王加授妻張氏子王永宜妻胡氏廩生劉奇生妻柴氏
生員郝清瑞妻楊氏李滿紅妻王氏生員李之齡妻梁氏
史現龍妻李氏宋彥宣妻張氏生員郭王圖妻程氏牛伏
英妻郝氏劉救生妻王氏龔鴻泰妻曹氏李現紅妻李氏
武生吳瑛妻梁氏廩生張之英妻常氏副榜張大鵬妻劉
氏李重華妻時氏生員梁璧妻楊氏生員楊燦妻李氏生

員張彝妻王氏以上俱守志節

沁源縣

明

張承祖妻邢氏年二十五而寡無子守節終身洪武十六年旌表

生員宋朝妻朱氏年二十夫亡無子遺女二食貧守志親黨爭勸之嫁氏注水於甕深埋三尺許上覆以石板召勸嫁者環左右而誓曰待此水乾時吾當嫁也自是衆不敢復言孀居六十餘年壽八旬餘卒女適庠生董鳳來亦早寡撫子守志殆母氏之所式型歟

任甸妻姚氏年二十六夫亡撫子自立有成娶婦徐氏邁疾篤徐曰夫病殆不起奚以生爲潛自縊時年十有八歲萬

曆四十八年題旌建貞烈坊

生員王崇化妻任氏年二十二夫亡無子誓從死囑家事於人次日遂自縊

廩生陰根陽妻郭氏年二十七夫亡矢死不二逾十二載翁亡姑耄族叔強令改適氏舉刀自刎死

監生胡夢龍妻李氏生員郭奎光妻李氏李同春妻雷氏以上俱守志節

國朝

王攀龍妻王氏姜寇變被掠氏奮罵不屈賊怒斷其手足死生員王簡妻李氏爲賊兵所掠挾行數十里罵不絕口遂遇害

劉萬祚妻李氏姜寇變同夫避難遇賊殺其夫氏詈罵求死

山西通志 卷二百五十六 九
遂被害

庠生董鎧妻王氏年二十七夫亡無子夫弟幼忍死撫之既娶舉子氏喜曰董紀綿矣妾可從夫遂乘間投環死

廩生史翼經妻姚氏少寡守志節越數年翼經弟衛經又死翁泣謂衛經婦朱曰二子胥亡天喪我也我耄不足恃媳盍自爲計朱曰姆爲人婦獨非人乎乃與姚一志守節朝暮相依凡四十餘年卒

鄭一貴妻任氏夫死於虎無子誓不改適苦節五十年壽七旬卒

拔貢郭鼎贊妻郭氏少寡遺幼女二茹茶飲藥歷三十九年卒

生員李一槐妻南氏廩生胡璞妻郭氏郭在祿妻劉氏郭有

麟繼妻宋氏姚殿揚妻郭氏李遇時妻劉氏郭維屏妻史氏生員李鉉母萬氏郭中芳妻李氏庠生胡應乾妻李氏以上俱守志節

武鄉縣

後趙

石勒妻劉氏有膽畧石勒每與叅決軍事

北魏

燕國公王文謨母張氏封夫人漢張良之裔矢德不爽克稱聖善夫死訓成令子孀居白首年六十有六卒

後周

車騎將軍宇文顯妻高氏封夫人箴訓有儀容言以德肅泰中興賢才內則

明

王輅妻石氏年二十輅卒堅志守節誓不再適弘治間詔旌杜氏襄垣人寓居墨鐙之新村爲村民王氏婦家貧歲饑有里豪悅其色欲以非禮犯氏嚴肅自持凜不可近豪乃賄其姑以勢迫之至日見笞撻杖痕徧體畧無二志後豪肆強暴氏疾走投崖死後人名其崖曰清風崖邑進士李黼爲立傳

李龍妻趙氏年二十夫亡事姑育子清苦自持嘉靖間詔旌張拱辰妻趙氏年十九夫亡哭盡哀是晚沐浴更衣潛自縊當道給銀治殮仍賜旌獎

廩生魏國才妻程氏年十九夫亡子爍甫三月氏日夜寢苦塊意將不測姑諭之曰若死孤亦死魏不血食矣氏悟忍

死營葬畢織麻縷爲糊口計伯叔兄弟歲時餽遺槩弗受事姑盡孝訓子有成事聞旌其門卒年七十三歲

生員董漢簡妻王氏夫亡守節四十載其子婦魏氏亦以節顯

趙慶妻王氏年十九而寡撫子登高成立娶婦郭氏不數年登高卒郭守志養姑里閭稱孝姑病預爲治棺衾每事爲二及姑歿含殮訖囑家人曰姑死我事畢是夜縊於姑柩側萬曆十八年奉詔旌表

馮烈女父九金襄垣人寄居攀龍鎮初字里民胡棟其父因棟貧議改字富室劉九齡女曰貧富易操何顏人世遂登樓自縊

董烈女父國章年十五未字流賊亂被獲女投糞厠賊艷其

色曳出之女大罵被殺

生員韓家奇妻李氏賊變家奇被殺其母弟子姪咸遭屠磔
悅氏色不卽加刃氏怒罵抱嬰兒投崖死

李烈女父克寧僑居攀龍鎮已字而未嫁流賊攻寨急將陷
揚言曰多與婦女卽解圍去女聞恐受辱從高墜崖筋骨
寸裂而死

舉人史光顯妻劉氏流寇亂舉家匿窖中氏偶出執爨賊猝
至被執氏給曰樓有金帛可取也賊信之令氏前行甫登
樓卽闔戶從樓窗下墮齏粉而死

生員劉瓚妻李氏生員趙一科妻田氏魏邦定妻高氏魏默
妻梁氏舉人李人龍妻張氏舉人魏兼妻趙氏魏堪妻李
氏監生魏中原妻史氏庠生魏邦奇妻程氏生員王賑民

妻魏氏藺如妻金氏生員杜如樑妻郝氏生員安永遠妻
王氏生員魏天知妻王氏程可立妻魏氏進士陳所行妻
程氏以上俱守志節

國朝

生員魏以嘉妻趙氏年二十七而寡撫子子卒繼甥甥亡兩
媳相依垂十年相繼胥卒氏慘極人生哭奠翁姑神主閉
戶自經家人覺而救甦青烏家以瑩兆不吉言氏典衣脫
珥購善地改葬三世撫孫振翼成立年六十八歲卒

魏晉封妻董氏年二十八而寡家貧無子伯兄逼令他適氏
截耳自廢族人哀之爲立嗣以全其志苦節五十四年壽
八十二而終

劉氏劉柱女巳丑姜瓌亂避兵洞內賊攻洞執之縛氏於馬

行里許過高崖氏以善言給賊賊信釋之躍身墮崖死家人購得屍見一虎守其旁全體完好如生

舉人魏以寧繼妻韓氏年二十而寡以腰經縊柩旁經斷得不死前子景韓亦早歿借媳竇氏撫孫完節以寧弟以貞妻李氏年二十五夫亡無子齧指毀面從韓守志三娶相依垂四十餘年卒

貢生魏生中繼妻孫氏總督雲中弟婦也于歸二載年十九無出生中歿砥志守節壽八十有八卒初雲中嫡孫澤濬母早亡氏鞠之如子澤濬夫婦卒又育其子旌濂學成名就家聲復振皆氏一人之力也

程孝逸妻程氏年二十一夫亡哀號欲殉越七日自縊王賢妻史氏賢以渡河溺死氏年二十五號泣河干購夫骸

歸葬訖遂自縊邑令旌其墓曰烈婦

生員史孔筆妻韓氏廩生魏世鼎妻李氏貢生魏運開妻王氏孝子魏以繼妻籍氏韓文業妻竇氏貢生張基洪妻蕭氏廩生趙養麟妻韓氏生員李光蔚妻魏氏關耀妻來氏韓恢祖妻魏氏李時化妻張氏生員李之璿妻程氏董葵妻魏氏石克卿妻程氏廩生李之蕃妻魏氏程正忠妻李氏生員陳枚吉妻趙氏籍貴妻李氏趙加封妻郝氏張茂華妻白氏武英妻韓氏廩生魏初旭妻李氏魏啓徵妻郭氏生員趙敕封妻李氏韓文炯妻董氏張景瞻妻程氏王業興妻胡氏生員魏堯都妻史氏李瑛妻王氏庠生魏繩緒妻程氏段恭侯妻程氏魏前駢妻武氏魏公妻段氏張安興妻李氏魏理妻霍氏魏瑾妻韓氏舉人程驥繼妻趙

山西通志 卷一百五十六
氏李玉珍妻白氏李之英妻馮氏庶吉士史珥繼妻魏氏
武元相妻李氏生員張育葵妻王氏以上俱守志節

平定州

元

郝義妻張氏年二十義亡子彌月舅沒姑老舍東有圃日灌
畦蠶織以奉姑嘗蓄牝羊孳息以萬計人謂孝節所致子
好學爲儒至正間旌表

耶律氏廣德軍宣差聶希甫妻端莊貞靜涉獵書史年二十
二夫亡守節四十年屏膏沐衣縞素妾出二子愛而教之
至正間旌表

國子伴讀呂乙鳴妻郜氏年二十三夫亡子幼家貧氏攬織
行大家之絲辛苦百倍易甘旨養二親課子成立至正間
馮義甫妻陳氏年二十四夫亡子女俱幼守節四十餘年呂
思誠題曰清貞作詩美之至正間旌表

旌其門歐陽公作記

太常太祝耿承祖妻康氏承祖仕燕京時山東盜起剽掠平
定氏挈幼子榮川避於孟陽北榆村石洞中賊勢迫氏謂
義女果曰汝主父歷館閣吾義不受辱汝爲抱幼子榮川
去氏遂赴井死果逃見承祖具告母死之故承祖曰得死
所矣郡守孫亨嘉其貞烈以聞至正間旌表陳好謙作烈
婦傳

廉訪副使王履謙妻齊氏治家嚴肅克守婦道至正十八年
賊陷太原齊氏與二婦蕭氏呂氏及女鳳避難於趙莊石
巖寇圍急度不免顧謂其女曰汝家五世同居號爲清白

汝父職任風紀我命婦也汝少女也奚可辱身以苟生哉
女曰吾夫已死今爲未亡人得死爲幸乃同縊不得死遂
俱投崖死次婦呂氏謂長婦蕭曰吾爲中書左丞之孫義
不受辱亦赴崖死蕭曰吾獨不得爲節婦乎亦投崖下死
河東杜凱作四列傳奏請旌表

明

李璽妻任氏年十八歸璽逾年生子儀而璽卒或勸其再嫁
氏忿斥之操守彌堅儀長娶婦梁氏生子達未幾儀亦卒
梁年二十四欲自縊以殉任諭之曰我所以忍死至此者
爲汝夫耳汝卽死吾年且衰誰爲養汝子梁自是毀容易
服瘁力紡績歲歉姑不失養訓子業儒爲神木縣訓導婦
姑俱以壽終郡人稱曰雙節成化年題旌

和仲芳妻趙氏年二十夫死伯兄迫令更嫁氏引刀自刺誓
死不二巡按仇惠令有司給束帛獎之郡人白金爲作傳
白思敬妻葛氏思敬沒母年八十餘二子在髫齡氏事姑逾
十年姑臨終與氏訣曰吾不幸耄而喪子非婦無以至此
旦夕且死諸孤幸善教之使不絕白氏詩書一脉固無恨
矣言訖而卒後二子鎮銓俱讀書登仕籍氏贈太孺人年
七十餘終

舉人王佐妻李氏有淑德夫卒守節不渝每遇烝嘗忌日必
慟哭如初一夕夢佐與語曰汝苦志汝苦志李應曰及爾
偕往何如詰朝語親黨聞者墮淚越數日果無疾而終御
史陳豪表其門

縣尹李春妾王氏性淑慎寡言笑春感痰疾晝夜扶持不解

山西通志 卷二百五十一
衣者數月春疾革泣曰主君娶妾爲無後也奈何竟以無
後終耶妾負主君請從死之遂就縊於他室郡守往弔其
門曰千載綱常此人振之矣

費華妻尚氏年二十一夫卒無子守節六十餘年御史侯旌
之曰貞節

生員董希程妻李氏年二十二夫沒遺孤在抱誓死守志子
新有聲於時

舉人郝士孝繼妻景氏年二十四夫卒事孀姑育前子備歷
艱辛巡鹽御史秦大夔給粟獎之

生員唐堯咨妻喬氏夫亡無子誓不再適養舅姑以天年終
旣歿每食必薦哀慕不衰時論賢之

申尙義妻王氏夫疾篤氏先自縊夫頃亦亡

黃鑑妻靳氏嘉靖辛丑北部入境氏潛匿山谷中被執不屈
剖腹視胎以去其同宗有嬪於荆者有通名張氏子者俱
義不受辱同時遇害人稱靳氏三烈

郝還初妻尚氏夫卒誓不獨生投繯以殉

蔡芳妻尙氏避流寇於王德寨攻寨急氏曰賊欲得我也我
死賊則解矣姑曰爾死我何用生爲抱子俱投崖死

王佇妻某氏爲闖卒所掠逼之氏掣刀刺賊死隨自刎

蒲城知縣朱一統妻延氏一統任蒲城闖陷京兆州縣皆望
風降一統謂氏曰吾家七世衣冠受恩深矣吾誓與城俱
盡老親幼子一以囑君氏泣受命逾日城失守一統盡節
孺人事育盡道卒不負託

側魚某氏嫁石某爲繼妻撫前二子如已出後被賊掠氏佯

山西通志 卷一百五十一 列女
為順從給賊釋其二子遽投崖死之

唐廷舉妻蘇氏生員唐寵妻劉氏生員郝桐妻費氏生員康
轍妻葛氏生員趙一德妻白氏生員郝梅妻王氏生員白
雲鷗妻李氏生員李綦妻唐氏生員楊晰妻孫氏常師孔
妻趙氏晉弘詔妻孟氏任國才妻張氏葛御妻張氏趙啓
儒妻光氏喬繩愆妻李氏以上俱守志節

國朝

潘一鳴妻劉氏年二十夫卒方抱娠祝曰幸舉一子以存夫
祀猶愈於死已果得男撫成之歷五十餘年卒順治十三
年建坊旌表

舉人魏亨妻楊氏年二十夫亡奉姑撫子終始一節康熙二
十七年疏請旌表

甄大治妻葛氏少孀矢守撫子昭成進士曠食廩餼康熙四
十一年奏請旌表

李在妻趙氏年二十六夫亡子義甫四歲勵志守節侍姑病
衣不解帶者年餘延師課子食餼於庠

大理卿張三謨妾郭氏夫卒矢殉嫡子慰止之氏屏容飾絕
讌會言動胥斂抑全節而終

生員康廷翼妻張氏夫沒無子依兄弟守志抑鬱而死

趙氏茹越口千總蔡又齊妻年二十四而寡家計蕭條饑饉
洊至氏拮据事育課二子俱列庠序年四十六卒

生員苗國器妻任氏年二十夫卒苦節四十餘年學使者表
之

劉弘祿妻潘氏及笄歸劉相夫綽有賢聲夫遘疾侍湯藥唯

謹病歿矢不獨生越三日自縊死

生員延令名妻葛氏少寡同姑李氏守志郡守以雙節旌其廬

生員安宅妻張氏苗尚貴妻段氏晉之珩妻延氏魏宜滾妻戎氏生員張晨妻晉氏霍名廷妻趙氏馮三桂妻姚氏生員延四門妻李氏王良臣妻張氏葛瀚周妻晉氏生員景弘妻董氏武生王憲武妻郝氏張福遠妻潘氏生員葛世醇妻張氏張辰妻晉氏以上俱守志節

壽陽縣

明

岳曇妻武氏曇疾夜叩北斗願以身代曇卒氏年二十五撫孤崇登賢書授河間府同知弘治間題請旌表都御史陳

璧誌其墓

賈文林妻徐氏年二十餘文林應鄉試卒於省子泰方四歲氏撫成爲邑諸生娶婦陳氏生子侃亦以應試卒於省陳年二十五守節課子侃後魁秋試有司上其事並詔旌表舉人袁萬里吳冠同年友也胥早卒無子萬里妻傅氏冠妻趙氏共期守志誓死不渝家貧同事紡織互相依倚巡撫曾檄縣歲給粟帛贍養之

岳思仁妻任氏思仁有膂力應募赴邊死於陣父母以任幼欲嫁之任曰夫死義我愧節非婦也志卒不奪知縣白檀聞其賢特加優卹

生員閆大輅妻武氏年二十大輅沒奉舅姑撫遺孤守節以終知縣白檀旌其門

張良臣妻石氏夫邁疾知不起氏具棺及懸纊畢乃潛入別室自縊家人斧牕救免後以節終

閻洪範妻李氏嘉靖間北部入境被掠氏肆罵不辱死之巡按李旌其門夫感其妻不復再娶

任善妻王氏年十七適善逾年善卒孤子無倚所親咸勸改醮氏以死自誓年五十九而終

王麟妻郝氏夫亡遭寇變氏扶老攜幼匿山谷間瀕死者再卒獲免人謂節孝所致子來聘仕歷行人以母節聞奉詔旌表

生員李賓暘妻趙氏年二十四夫亡家貧撫三孤百折勞勩節操彌堅卒年八十有五

監生賈調元妻邢氏夫卒無子清貧堅守沒世不渝

生員岳凌晉妻張氏夫亡或勸之嫁氏曰吾之不死特爲岳氏孤耳君等迫我是不欲存岳氏也言者語塞子鎮東以鄉薦任沙河尹奉敕旌表

王冕妻趙氏子存道妻閻氏存德妻趙氏俱早寡兩世三孀同心守志御史吉扁獎曰一門三節

生員孫光先妻王氏年十八適光先二十八而寡無子女矢節堅貞歷四十八年卒

廩生張元慶妻冀氏吳思恩妻李氏吳鎮妻李氏李崇倉妻冀氏任天惠妻安氏弓瓊妻朱氏張應斗妻白氏李廷明妻趙氏王廷厥妻周氏王天禹妻閻氏廩生閻洪化妻傅氏馬廷卿妻劉氏魏汝成妻趙氏以上俱守志節

國朝

山西通志 卷一百五十一
御史吳玉妾張氏玉年五十無子納張生子二氏年二十五卒會闖賊告變索餉紳士嫡傅氏被繫氏請以身代轉側刑獄間霜操益烈嘗泣語家人曰吾何難一死以藐孤未成吳氏一脉係此耳後兩子甫入泮相繼殞含辛撫孫復令成立其勤勞以事嫡節儉以御衆美多足紀云
生員馬煌妻郝氏年二十三夫卒撫孤子復撫孤孫孀居四十二年邑令旌之

省祭傅廷選妾解氏年二十五夫卒誓不他適事主母以敬處家庭以和操中饋以儉勵童僕以勤年七十五卒
郝文英妻吳氏年二十二而寡守節三十餘年撫子成立
生員梁礎母趙氏年二十三歲夫逝紡績以養舅姑訓子礎遊庠邑令吳祚昌旌其節

劉銘妻杜氏妾楊氏胥守志節撫子有成
生員孫枝秀妻劉氏年二十五枝秀故無子飲水茹蘗歷四十年不少變

霍繼光妻李氏年十七夫亡踰月遺腹生子唐氏祖李讓欲奪而嫁之泣曰無子宜守幸有子寧死不二也卒不易操
張氏適李年未笄歸寧紡績墻下惡少窺其穉弱欲污之逼以白刃氏被重創卒不從其母至乃解去氏招其夫告以故送之門訣曰君行矣妾斷不貪生以辱君也遂自縊其夫訟之官執惡少而付諸法一時憐其貞烈云

劉世輔妻李氏年十七于歸閱十月世輔卒氏痛哭求死姑防之甚至半載後姑意稍弛得聞自縊當道旌以勁烈維風之區

張膽妻李氏年二十七膽沒氏剪髮明志舅姑病祝天願代
喪葬胥合禮孤侄撫之孤甥女嫁之尤爲鄉黨所稱

生員祁文溥妻張氏生員祁昌妻李氏監生潘育正妻王氏
監生潘爾介妻李氏廩生孫弘業妻岳氏生員王纘之妻
邢氏生員王章武妻趙氏生員安學顏妻李氏趙訥妻王
氏以上俱守志節

孟縣

唐

侯氏張睽妻會昌中睽戍邊十年氏繡迴文詩作龜形云睽
離已十年強對鏡那堪理舊粧聞雁幾回修尺素見霜
先爲製衣裳開箱疊練先垂淚拂竹調砧更斷腸繡作龜
形獻天子願教行客蚤回鄉詣闕獻之睽得歸

後周

柴氏世宗女稟性貞烈不欲適人潛逃縣北七里原仇山東
渴思水扣地泉隨湧出飲畢自經於樹下鄉人立廟祀之
早禱輒應因稱爲烈女山

宋

二程夫子母侯氏封上谷郡君幼聰悟過人好讀史書而不
爲詞章見世之婦女以文章書劄傳於人者深以爲非父
丹徒君愛之過於子以政事問之雅合其意年十九歸河
南程大中相敬如賓雖小事必稟命大中凡有怒多爲寬
解惟諸兒有過則不掩也二程纔數歲行而踣必呵責之
曰汝若安徐寧至踣乎常食絮羹亦呵止曰幼求稱欲長
當何如雖使令輩不得以惡言加之故程氏兄弟平生於

飲食衣服無所擇不以詈言及人要亦教之使然也夫人
嘉言善行不能盡述詳見二程全書

明

周經妻郭氏年二十夫故子思恭甫二歲家貧紡績課子守
節令終正德間請旌賜子冠帶

高思敬妻韓氏年二十二夫亡遺腹生子有癡疾氏茹苦守
志垂五十餘年具題旌表

高有賢繼妻劉氏適賢二載而寡族人謀奪其產氏隻身搢
拄屹不爲動撫前二子全節以終

張玳妻崔氏年二十夫卒遺二女家貧氏誓不轉適苦節終
其身

李定妻高氏年二十二夫亡撫子延慶慶妻郭氏卒並撫孫

知柔孀居歷五十餘年

生員高季方妻李氏年二十三生女纔數月季方卒祖母欲
奪而嫁之已受聘氏誓死不從卒全其志

施廣才妻龐氏年二十一夫亡守節子慶妻魏氏慶子永傑
妻任氏胥少寡三世冰操如出一轍

陳玉繼妻王氏適玉五載而寡撫前三子無異已子子鑛妻
榮氏年二十七亦寡與姑同志守貞時稱雙節

郝麒妻任氏郝麟妻侯氏嘉靖間胥被兵掠任至龍池投淵
死侯至河村先擲幼兒崖下躍身從之人稱郝門雙烈

楊明妻李氏隣人李奎春窺其色挑之氏怒罵不從自縊以
見志

劉碧妻吳氏年二十三夫亡守節碧弟璋妻侯氏繼之璋弟

山西通志 卷一百五十一 列女
環妻任氏又繼之一門三節撫孤俱底於成各以壽終
生員張其紀妻劉氏父環母任氏以節聞及笄適張張死氏
從之巡按奏請旌表

趙成妻李氏年二十七而寡媳李氏年二十九而寡婦姑同
志撫孤邑令旌其門曰兩世雙節

趙汝敬妻李氏年少孀居撫五子俱成壽百有三歲郡邑官
紳爭表其閭

石氏上社村人十餘歲母構訟至郡鬻於世宦潘雲翼家性
敏慧侍潘側見讀書喜形於色潘因導以學遂通書史後
納爲妾明末闖陷太原雲翼被拘備極拷掠家人皆逃避
氏垢面服男子服乞食奉潘潘死氏仰天哀慟投井死
監生張宗顏妻榮氏李鶴妻史氏呂世崇妻孫氏庠生劉雲

柱妻史氏徐寬妻柳氏楊子倫妻白氏王安妻胡氏田芮
妻榮氏以上俱守志節

國朝

廩生史必傳妻高氏端重寡言笑年二十四夫亡有一女守
志養親冰霜自勵歷二十餘年卒

生員劉自涓妻朱氏故明宗室女年十六自涓亡遺腹生子
光久旣娶尋卒遺孫全斌撫訓爲邑諸生

生員李斐妾趙氏年二十九斐卒遺子二氏奉嫡呂甚謹事
姑以孝聞撫孤入泮壽登八十

生員史珍妻趙氏年二十三珍歿偕孀姑同撫三孤苦節以
終

知事張烜妻趙氏年二十一夫故無子撫侄德基視若已出

守節歷數十年卒

生員趙敬基妻張氏年二十四夫亡訓孤力學游庠翁病親

調湯藥經年不懈鄉里幼孩有失養者氏爲給粟乳之

李應薦妻趙氏楊應鵬妻樊氏隆平令張蒞繼妻樊氏拔貢

張溫養妻趙氏監生張熾妻楊氏左州知州孫發妻胡氏

生員鄭奎妻李氏以上俱守志節

樂平縣

明

侍郎喬毅側室高氏燕人本名家女事毅惟謹毅疾稽顙籲

天願以身代疾革毅謂高曰吾殆不起汝年少無子奈何

高泣曰公脫不諱妾固當死從公地下耳毅卒哀毀殊甚

引繩欲自縊爲家人所制不得乃取生平服飾投諸火以

示勿用從毅子鳳扶柩抵家得間縊死柩旁有司上其狀
奉詔旌表李東陽爲之傳

甯氏順天人侍郎喬毅妾年二十餘毅卒守節四十年具題

旌表

宛平劉氏儀真許氏胥尙書喬宇側室也初宇遘劇疾幾殆

劉許約俱殉私啟生平服飾盡散諸婦以示必死旣而宇

疾瘳後十載宇卒時劉年二十六慟曰妾今從公於地下

矣是夜遂經死許年二十四亦死之里人以雙節稱

叅議李天衢妻喬氏李卒孀居三十餘年足不履戶外巡按

蘇旌其貞節

張文卿妻李氏年十六歲夫亡撫子侃爲諸生娶郭氏三年

侃亦卒郭善承姑志協守終身有司上其事旌曰雙節之

山西通志
卷一百五十一
門

生員申尚義妾王氏夫病誓從死病危潛入他室先自縊有司以聞旌表

趙啟儒妻光氏年二十四夫卒哀慟欲絕不親七箸者五日所親多方勸諭勉食餽粥事姑與祖母終年課子思道成立當事旌之

喬繩愆妻李氏年十七夫卒遺娠四月生子慮矢撫成之有司旌獎

李植妻喬氏少寡族人利其產逼令改嫁氏刺一目以示志撫子四十餘年子卒無倚八十而終

生員趙廉妻常氏夫早喪家貧苦節四十餘年子國鼎發解登第有敕褒節孝坊

喬應祥妻李氏夫被賊殺苦節五十年壽八十卒

生員趙曰烜妻宋氏年十九而寡趙曰燦妻甄氏歸曰燦四十日而寡胥守志節沒身無玷建雙節坊顏曰內政流芳

國朝

生員趙曰煉妻劉氏少寡事翁撫子孀居三十餘年卒

李纘妻宋氏夫死家貧撫訓三子入庠諸孫林立守節歷四十餘年卒

生員李綦隆妻常氏綦隆擊賊戰歿氏親詣陣所購屍慟哭垂斃苦守四十餘載訓子有成

李道明妻焦氏年二十七夫亡矢守歲稔糟糠自饜奉姑甘旨無缺訓子拱極爲儒壽八十四歲卒

劉芳遠妻張氏年二十六夫亡無子女翁老姑盲種畦繹績

山西通志 卷之二十一
治生計侍養三十餘年翁姑歿氏亦繼亡遠近咸哀其苦節

李朝初妻趙氏年二十夫亡二子在襁褓訓誨成名清操無玷有司旌其門

趙壽昌妻李氏壽昌傭工弱河客死氏年二十四無子痛夫骸暴棄哭告隣里宗族斂錢詣死所購棺歸葬旣畢人有議嫁者不聽乞養族子爲後浣濯縫紉博升斗以自資歷二十餘年志行如一

忻州

晉

劉氏名娥字麗華殷女也幼而聰慧晝營女工夜誦書籍傳母恒止之娥敦習彌厲每與諸兄講經義理趣超遠諸兄

深以歎服性孝友善風儀進止劉聰召爲右貴嬪甚寵之俄拜爲后將起鷄儀殿以居之廷尉陳元達切諫聰將斬之娥時在後堂私敕左右停刑手疏啟曰伏聞將爲妾營殿今昭德足居鷄儀非急四海未一禍難猶繁動須人力資財尤宜慎之廷尉之言國家大政夫忠臣之諫豈爲身哉帝王距之亦非顧身也妾仰謂陛下上尋明君納諫之昌下忿闇主拒諫之禍宜賞廷尉以美爵酬廷尉以列土如何不惟不納而反欲誅之陛下此怒由妾而起廷尉之禍由妾而招人怨國疲咎歸於妾距諫害忠亦妾之由自古敗國喪家未始不由婦人者也妾每覽古事忿之忘食何意今日妾自爲之後人之觀妾亦猶妾之視前人也復何面目仰侍巾櫛請歸死此堂以塞陛下誤惑之過聰覽

山西通志 卷一百五十一
之色變以娥表示元達曰外輔如公內輔如后朕無憂矣
及娥卒謚武宣其姊英字麗芳亦聰明涉學而文詞機變
曉達政事過於娥初與娥同召拜左貴嬪尋卒追謚武德

元

張惟善母李氏泰定間旌表

生員劉晏妻張氏年二十一夫亡孀居四十年貞操無玷具
題旌表

明

太學生傅康妻王氏年二十七夫亡遺孤甫八月氏矢志不
渝撫孤成立諸孫霖震霈咸登科甲人稱三鳳蓋王氏之
遺澤云

任繼增妻李氏時有邊警懼辱投井其女大兒守哭累日亦

投井死之金蒙旌表

常思孔妻趙氏年二十三夫亡子方在抱孀居砥節歷四十
餘年卒

張梧妻趙氏因探夫妹行經山溝張玉寶欲污之氏力拒破
寶頰會村民張虎至寶逸去氏含恨不釋次日黎明徑至
寶所投崖死之有司旌其閭

劉宜妻閻氏年十九而寡遺腹生子乾清家貧女工自給居
室數椽風雨不蔽每夏秋淋澇戴席處其中絕無怨色

張懷妻孟氏年二十六而寡哭夫喪明甘貧植節鄉里賢之
杜世珍妻張氏生子江三日世珍卒氏年十八無翁姑戚屬
之依立志撫孤貧苦不渝其節

宗室朱克煦妻溫氏年二十而寡孀居五十載清操無玷

山西通志 卷一百五十一
周玠妻陳氏年二十三夫亡無子撫侄爲嗣水蘖終其身
李天秩妻宿氏年二十九夫亡誓不改適守節四十年人無
間言

生員李爭芳妻劉氏年二十五而寡孝養舅姑不衰撫嗣子
成人卒年六十

小錢兒馮世禮之女族鄰馮汝楠窺其獨居乘機欲污之錢
兒怒叫不從繼母趙歸汝楠逸世禮受賄秘其事錢兒忿
恨飲毒死

許東子文諒之女有張萬錢者時往來其家一日東子母出
萬錢至因迫東子東子叫號萬錢遁東子忿恚痛哭搥胸
數日而死

生員李堯稷妻崔氏年二十三而寡撫侄守志四十餘年人

無間言

定遠將軍張弘妻趙氏封淑人甲申闖陷太原定遠死難氏
驅女孫侍婢八人投井井塞不能容氏尋投縵死

王子智妻連氏郝文昇妻郭氏王大興妻郝氏生員李思明

妻楊氏葛志貞妻田氏知府楊戩妾彭氏主事銀鏡妻劉

氏生員降嘏妻楊氏李戩妻劉氏郝世傑妻傅氏楊時孔

妻銀氏張瀾妻普氏王愷妻檀氏連芳妻趙氏陳勃妻周

氏王益隆妻李氏趙存周妻武氏訓導張世福妻宿氏阮

密妻劉氏張天佑妻田氏周珽妻段氏生員宿應室妻王

氏王永昇妻劉氏王加逢妻郝氏張諒妻羅氏李宗祿妻

王氏張豫妻智氏寇來觀妻張氏智懷讓妻郝氏宗室朱

克燎妻姜氏典膳楊灌妻檀氏典膳楊希賢妻彭氏石大

山西通志 卷一百五十一
本妻郭氏李堯夫妻董氏王聚福妻張氏以上俱守志節
國朝

劉源深妻米氏守節四十二載康熙十二年建坊旌表

范璋妻楊氏守節五十載康熙二十八年建坊旌表

張宿明妻王氏年二十二夫亡守節三十三載康熙三十九
年建坊旌表

楊是奇妻張氏年二十八夫亡守節四十七載康熙三十九
年建坊旌表

周鈺妻王氏姜瓌之亂氏爲賊所獲聲容不改徐步從行給
至溝邊一躍而下死之

董狀妻侯氏結褵數載無子狀病囑氏改適氏曰君脫不諱
妾請前行以俟病革氏果入幽室先自縊時年三十歲州

人楊玉樹作詩以弔之曰牧河有水深而且清何以似之
侯女之貞舟山有雪白而且潔何以似之侯女之節嗚咄
哉維雪有消侯女之烈千古爲昭維冰有泮侯女之心千
古不變

李繼先妻侯氏奸民王儀謀污未遂反噬以不潔訟之官儀
堅持不釋氏不能白卽於公庭自刎死葬城南下社道巡
按題其石云烈婦侯氏之墓

生員米貯妻楊氏年十九夫亡子甫期氏嚙指矢死志不少
釋子七歲遣就外塾一日辭別舅姑從容自盡

生員馬斗射妻史氏年十九生一女斗射歿子身守志凡六
十一年壽八十二卒

史鐔妻王氏年十八適鐔閱三載鐔歿遺孤甫二歲訓撫入

泮未幾亦卒婦王氏堅守如其姑

盧瑕妻胡氏年二十瑕卒子未匝月苦節勵操歷三十九年卒

王元弼妻蔚氏年二十九夫亡家貧無子矢志不嫁苦守三十餘年

生員楊在泗妻胡氏年二十一泗故無子歷四十餘年茹苦完節

王紹妻彭氏年二十一無出紹病篤囑曰守我三年而後嫁氏曰君亂命耶我不爲此紹卒氏侍奉繼姑撫紹幼弟卒完其節

劉弘妻盧氏年二十四夫亡無子守節而終

石俊妻劉氏年二十夫亡無子守節而終

陳大貴妻郝氏妾閭氏俱年二十餘大貴卒無子協志守貞寢食不離柩側閭事郝尤謹相依三十年郝卒號呼痛絕伶仃孤苦又十餘年而亡

焦養初妻馬氏年二十七而寡撫孤守節子清儒妻楊氏亦早寡志行如其姑

任方榮妻李氏方榮商於外四十年不返氏事孀姑終年喪葬如禮尋方榮客死窮嫠無依賣志以歿

張所知妻戚氏吳扳桂妻陳氏武舉孔振鐸母周氏趙章妻馬氏楊盛柳妻董氏李植公妻張氏陳汝聽妻東氏生員

楊弼儒妻邱氏陳文喜妻焦氏生員王維新妻陳氏董嘉妻楊氏生員崔璋妻呂氏楊彪妻張氏楊彬妻周氏楊煒妻趙氏生員王師帝妻朱氏盧貞妻李氏生員趙瑒妻馬

山西通志 卷一百五十六
氏甄維常妻韓氏連湛源妻范氏宿九霄妻楊氏盧扳桂
妻岳氏李雲鵬妻王氏張英文妻王氏劉名顯妻王氏胡
敏行妻索氏妾周氏米大惠妻李氏銀萬里妻楊氏廩生
侯定邦妻王氏葛天德妻周氏邢一麟妻傅氏以上俱守
志節

定襄縣

元

鄉進士牛安甫妻賈氏年二十而寡孝事舅姑守節終老

明

姚玉果玉香山東武城簿姚廷玉二女也並美姿容隨父之
任所正德六年夏流賊破城二女被獲渡河俱投水玉果
溺死玉香流數里得援御史張璿題旌

溫鍾妻喬氏年二十二而寡遺孤璉甫二歲氏守節撫子年
七十卒正德間奏旌

樊思仁妻李氏思義妻邊氏思禮妻劉氏胥少寡守節歷凶
荒無變志人稱一門三節云

李義妻楊氏婚數月義病卒氏痛夫無嗣取義積髮結佩於
首號哭三日縊死柩側

生員石鐸妻夏氏鐸亡哀痛成疾姑樊氏爲之撫孤氏泣曰
因疾棄孤因孤累姑生何益焉遂自縊

任堯弼妻楊氏堯弼死非命氏年二十一痛號自鳩死邑人
樊思古作詩挽之曰生前心事凌秋日死後靈魂伴晚霞
事聞旌表

生員樊邦教妻張氏年十六而寡無子誓不再醮富民趙加

山西通志 卷一百五十一
賢賄姑逼嫁訟之官廷讞日拔簪刺頸血流被體歸卽自
縊加賢得罪萬曆八年奏聞旌表

潘小四兒潘廷福之女年十七字而未嫁惡少李實乘隙犯
之不從泣訴於母竟自縊實寘法女詔旌

曹小春曹廷輔之女十七未嫁隣人張汝孝伺其獨居令妻
盧氏給至室逼污之不從遂遇害汝孝抵死萬曆間詔旌
張誥妻陳氏誥故遺子二長希孟甫六歲次宗孟甫二歲氏
年二十七誓砥孀節宗孟登崇禎元年進士第以母節聞
建坊旌表

趙延祚妻張氏延祚卒無子遺二女氏哀痛自縊救免卒不
食死萬曆間旌表

盛氏順天宛平人安平知縣喬鍾秀側室年十五從秀沉嘿
氣絕

史仲佑妻岳氏周昌妻楊氏吳晨妻高氏雷鉞妻蘭氏生員
張九達妻劉氏李存妻孫氏霍應璧妻智氏生員李承祚
妻智氏生員胡宗儒妻馮氏胡經妻齊氏生員喬天衢妻
杜氏喬光文妻郝氏武應奎妻王氏王登雲妻智氏子王
命妻安氏舉人鄭維周繼妻杜氏生員侯承恩妻張氏邢
英智妻曹氏周允中妻邢氏齊家仁妻張氏以上俱守志
節

國朝

山西通志 卷一百五十六
省祭薄檢妻閔氏年十六適檢二十六檢沒家貧父母欲奪其志誓死不從賊氛倉猝中卒完節無玷子建功登賢書
順治十二年建坊旌表

李瑜之妻徐氏夫亡子幼勁節堅持壽登一百二歲雍正四年旌表

樊明月妻陳氏會山賊掠境氏被擁馬上罵不絕口賊艷其色不忍加刃行至滹沱河賊閑稍踈遂躍入水賊挽起露及脅之罵益厲遂遇害

胡月亮妻任氏月亮遠出不返家貧翁不能養數令改嫁不從日以針黹自給遇歲凶翁潛受人聘強欲嫁之隣婦秘以告氏遂縊

張廣學妻高氏張遭惡疾家素貧謂氏曰身且殘廢汝宜自為謀氏曰烈女不聞事二夫既而張自縊氏縊於其側鄉人憐之為厚斂焉

吳子照妻鄭氏年十六歸子照甫二載夫亡或諷之嫁輒厲聲曰吾守此身見夫地下禽獸之行斷不為也捨地哀號越四月毀瘠而死

王仁昇妻張氏年十六適仁昇四載仁昇棄家為僧翁姑憐其幼令改嫁不從又四載仁昇旋親為之勸氏誓以節孝終仁昇感其志同居而孕生子克誠甫百日復出家氏事翁姑愈篤姑卒翁病臥便溺不能起廁浣濯必親曰夫既出家吾不以婦事翁直以子事父何避嫌為傍榻而居者二年餘翁卒厚產咸讓其叔撫孤侄克恭如已子長為完娶邑令王時炯特加獎異為懸扁治前旌善亭

山西通志 卷一百五十一
薄綬廣妻郭氏年十八適薄匝歲夫亡觸棺長慟潛縊姑救
甦嗣此絕飲食屏藥餌抑鬱而歿

生員張際盛妻李氏薄追雅妻張氏生員張應昌妻夏氏張
弘名妻李氏生員薄毓靈妻王氏李崇富妻薄氏廩生張
顯妻章氏庠生梁洪先妻智氏庠生張爲煥妻邢氏武官
胡其光妻劉氏生員王永馨妻侯氏薄炳妻張氏石巘妻
李氏王明瑄妻張氏胡承詔妻任氏班繼升妻石氏汾州
府教授張弘側室靳氏李爾柏妻杜氏曾又鞏妻郭氏以
上俱守志節

靜樂縣

宋

任玳妻劉氏年十八夫亡姑欲奪其志自刎幾死居十餘年

明

弟利富人金逼令改適氏度不免乃自經

生員張子智妻劉氏年二十而寡子琳甫三月氏撫訓成立
年七十卒

杜雲妻張氏年二十夫亡氏撫幼子學甫成尋卒復撫孫仲
舉仲卿並撫仲卿之子寵隆慶元年旌表

鞏燦妻李氏夫亡事二姑撫四子拮据盡瘁孀節彌光隆慶
六年旌表

郝紀繼妻孫氏先是紀妻張氏妾張氏皆無出妻故繼娶孫
年甫十八未三年紀歿孫撫義子朝鞏守志妾張氏自以
先爲紀室陰主嫁孫已受李仲山聘伺往祀墓會仲山逼
行孫乃詭言有私財給仲山釋歸取之遂鳴於官仲山得

山西通志 卷一百五十一
罪後爲朝輦娶侄女爲婦輦亦卒無子偕輦妻苦節以終
邑令張堯行旌其門曰雙節

廩生常綬妻郝氏年十七夫故子未彌月氏堅貞矢志苦節
四十餘年子桂林食餼於庠萬曆間旌表

重慶守呂新命妻張氏姑病醫言乳可療氏以食啖兒乳姑
三年後新命貴贈恭人銘其墓曰乳姑流芳

李烈女父發自幼淑慎不苟言笑崇禎五年爲賊所執女不
受辱投百尺石崖死賊衆相視愕然

靳禮妻李氏靳愚妻鞏氏胥早寡守節邑令旌曰一門雙節
張顯妻某氏張穎妻呂氏張銳妻姚氏兄弟相繼卽世三婦

矢志冰蘖俱壽躋古稀卒

張伯奇妻逮氏夫病傾奩醫治及病篤語以更適氏垂淚不

言是夕先自縊伯奇一見痛絕

李廷明妻郝氏韓明宰妻李氏呂選妻韓氏張雲輝妻秦氏
李邦妻鞏氏以上俱守志節

國朝

周氏序班李室妻邸氏其妾也室故周年二十八邸年二十
二形影相依一心堅守周撫庶子如已出長之鐸中武科
次之檀以明經授四川珙縣令康熙五十四年具疏旌表
劉藻妻李氏賓州別駕鱸之女締姻後藻病目失明父母難
之藻父亦有異議女堅志不移日業以字人寧以殘疾棄
耶卒歸藻事夫敬順篤至甫四載藻亡撫遺腹子爾宏游
庠邑令旌之

重慶守呂公妾張氏公歿於官氏年二十二撫子謹食餼於

庠謹早亡垂老彌艱宗黨憐之

廩生鞏壇妻呂氏年二十二孀居撫女事翁姑冰霜勵操歷

久不變

張慥元妻李氏年二十夫亡二子在襁褓官稅私逋拮据盡

瘁苦節三十餘年卒

郝見章妻李氏年甫十八夫亡氏剪髮納棺代殉撫子守節

迄老如初

王氏湖廣寶慶府經歷張發妻發卒於任貧不能歸氏攜幼

子陳情上官得麥舟助子身扶櫬冒洞庭涉長江凡四閱

月得達故里營葬畢課子成立時稱才節兩全

王燃妻景氏鞏金甌妻潘氏李旭妻姚氏白懷瑞妻石氏王

定妻蘇氏段文蔚妻郝氏李永通妻趙氏鞏時樹妻李氏

生員李之鎰繼妻趙氏鞏如阜妻李氏監生郝直妻段氏

武生郝帝典妻王氏以上俱守志節

山西通志卷第五十六

